

# TASEZO YA UNITED STATES



. . . tato ya Mulena kuli lika zeñwi liezahale ka linako zeñwi. Ne luile kwa Denver, cwanoñu nyana fa, mi ni ku yo kuta. Ni lumela kuli Ni bata ku bulela, za mukopano: Neli ulimuñwi wa mikopano yeminde hahulu ye Ni bile ni yona mwahala lilimo. Ne lubile ni nako yetabisa. Palo ye ba to fitelela likiti zepeli ya batu ba fa lipilu zabona ku Krete, lu sa bali ba ba amuhezi kolobezo ya Moya o Kenile, lu sa bali lisupo zetuna ni ze komokisa zeo Mulena luna Jesu na ezize mwahala sicaba kwani mwa Denver. Neluna ni kusuluha kokutuna, ni kuputehana hamoho kwa sicaba. Ne lu kalile ni ba faifi sauzande, ka kukala. Mi ne luna ni Masimu a Futumala. Mi ka busihu bwa bulalu, nekusina nihaiba sibaka sa kuli sicaba si yeme mwa sibaka sani. Ne lubile ni nako yende, mwahala masihu a faifi kaufela.

<sup>2</sup> Lwa funduka kwani, kuliba kwa Canada, mushimani ni Na. Mi lwa kena mwa malundu, mi se kutaha moya wa liñungwa. Ni sepa mu utwile zateni, fa silimba sa mina. Mi batu baba kuma fa palo ye eza mwanda ni eite-eiti ba yunda mwani. Mi ne lu kakatezi mwa litwa ka—ka—ka mazazi nyana cwalo, fahalimu fani mwa malundu. Mi mukopano wa luna wa fita, mi neluna ni, kukuta kwa hae cwale, lu si ka zwa kale hape. Kacwalo lu lumela kuli zani kaufela neli ka tato ya Mulimu, kuli ikaba mukopano o—o munde, ni zeñwi cwalo. Nana ni se ne si lukiselizwe luna se lu sa zibi.

<sup>3</sup> Lu zamaya mwa lifasi le li unsufezi, kono isiñi mwa lififi. Lu latelela fela, Liseli mo li zamaela, mi lu latelela Liseli.

<sup>4</sup> Mi Ndata luna yakwa Lihalimu mwendi nana ni sesiñwi se lu sa zibi. Kwa kona kuba kozi yelibezezi kwani. Kamba, hape, Wakona ku beleka kuli atise yomuñwi. Mwa bona, Mulimu wakona kubeleka ku mutu alimuñwi fela ona cwalo; U cinca naha kaufela ka mutu fela alimuñwi yani, kuli abange mwateni. Mi kacwalo lu ziba kuli neli fela yana yende ya Mulimu. Mi lwa itumela ku Yena ka zona, ni ka ku lu sileleza. Mi ne kuna ni babañata, luna. . .

<sup>5</sup> Billy ni Na ne lutusa ku ba shimba, ba sicaba se ne si holofezi ni lika kaufela. Kono lutile kusina butata ni bobukaka. Lwa zwa mwa nzila hañwi, kono zani neli fela linako zelikani. Mi muuna yomuñwi kwani, fa litema la likomu ataha kwani mi alu hoha ni tirakita. Ne ku telela hahulu; ne li ko ku telela luli.

<sup>6</sup> Mi neli iliñwi ya lika zene basina. . . ne lu palezwi, babahulu ne ba palelwa kuhupula nako yekukile kwaba puka yecwalo, mwa sibaka sani, ka nako yani ya silimo, Roundup, Montana. Mi ne luli. . . Lu ziba kuli sika kaufela se si ipitezi luli sina cwalo, Mulena luna na na ni lizoho la Hae mwateni kokuñwi. Neli ka

mulelo omuñwi, kwa—kwa bunde bwa luna. Kwa bunde bwa luna, sani kona mo ne si inezi.

<sup>7</sup> Mi kacwalo Na biza Muzwale Neville, kasamulaho Ni mano kuta, mi se Nili, “Ni ka ba kwa hae la Sunda. Mi—mi haiba mu ni tabela, kuli ni tahe mi mwendi ku to ba ni sikolo sa la Sunda, kupalañi, ku lukile.” Mi se Nili, “Mi Ni ka . . . mi Ni ka tabela hahulu kufita kwateni.”

<sup>8</sup> Ki hali, “Kupalañi, luli, Muzwale Bill.” Ali, “Lu ba ba tabile kamita kuli utahē,” ka pilu yetuna ye kwaluhile ni kamuhelo, sina cwalo. Mi kipeto a li beya fa tukiso ya hae fa silimba, maabani. Kacwalo lu itumeezi ka lika ze kaufela.

<sup>9</sup> Mi kakusasana cwana, cwale, kakuba Lizazi la Bahame. Buñata bwa batu, muka utwa likutazo za Lizazi la Bahame kai ni kai, mi batu ba bulela ka me, zeo Ni nahana kuli ki zende. Mu si ye seo kwa sebelezo ye siyezi.

<sup>10</sup> Kakusasana cwana Ne ni zibahalize, kuli, ki—ki tuto ya *Tasezo Ya United States*, ye ne Ni bata ku bulela ka yona. Mane, mu utwile zeo fa silimba sa mina, mi mu ka utwa zeñata za zona kacenu. Mi ku kaba kutazo ya Lizazi la Bahame, mwendi, mwendi, busihu boo mwa lisebelezo. Mi kacwalo Na hupula kuli, kakusasana cwana, Ni ka zibahalisa, “za—za kutasezwa.”

<sup>11</sup> Ne ni ambozi fateni mwa Denver, kwanu, isiñi ka kulibana ni mo Ni batela ku i bulelela kakusasana wo, haiba Mulimu alata. Mi, ki, ne ni bile ni nako yende ku yona. Mulena na lu foyozi ka nzila yende. Fokuñwi ki mufuta wo lu tiseza . . .

<sup>12</sup> Mu lukela ku nyungiwa hanyinyani, kuli mulemuh se si sweli kuezahala, nji cwani, fokuñwi? Mi lu lapela kuli Mulimu aeze cwalo.

<sup>13</sup> Mi, ni bulele cwana, kulo kwani, hane lu felize . . . Baana ba Pisinisi ba Denver kona bene ba lifezi mukopano, mi neli mutusi yomunyinyani ya shutana kufita mo ne Ni bezi ni wa pili.

<sup>14</sup> Mi hañata, bakutazi, ha ba tusa mukopano, muka bulela kuli . . . “Kana mu li zibahalize?” “Eeni, kwa keleke.” Zeo fela kona mo lienezi. Bao ki balisana; ba bata mutapi wa bona kuli u zibe ka zona. Lani ki linzwi fela lelinde. Wani kona musebezi wa bona.

<sup>15</sup> Kono Baana ba Pisinisi neli ba ba shutani nyana. Ne ba bata lifasi kuli li zibe ka zona, kona kuli se ba sululela fela mwateni ma dollar aeza sili kamba fo kamba sauzande kufelela mwa lipapazo za mikwakwa kaufela, ni fa limota za ma taxi, lisipi za limota, ni libaka kaufela. Ne lubile ni nako yende.

<sup>16</sup> Kasamulaho sebelezo imano fela, ba ni bizeza kwa tuko, bali, “Muzwale Branham, ki sikamañi se luka ku ezeza cwale? Ki sikamañi se lu ku kolotezi?”

17 Se nili, “Kiñi, eeni sha, hakuna.” Se nili, “Ha ku na se mu ni kolotezi.” Se nili, “Mina, mu life tifo yaka kwa hotela, ona kwanu, haiba mutabela kueza cwalo.”

18 “Oh, lu bata ku kuezeza nto yeñwi.” Mi ne ba si ka . . . Ne ni si ka zwise sika ku bona.

19 Kacwalo muina sipula a ba biza. Mi ali, “Ni lumela kuli utabela ku zuma ni kuyamba, nji cwani?”

Ki hali, “Eeni.”

20 Kacwalo alimuñwi wa baana ba pisinisi nana ni litema la likomu kwani, mi ki hali, “Ni ka mu tiseza fela sani.”

21 Kihande, Bo. Moore a yo libona. Nana ni kukuta ka limaili ze seti-faifi, apahami pizi. Se nili . . . Bo. Moore bali, “Ni tabela kubona Kezeli Branham apahami fa pizi, inza kuta kwani.” Kacwalo yena, bona, ni . . .

22 Kono, kasumulaho wa sani, mane, ne baile kwandu ya kwa litema kwa Silver Plume, Colorado. Se si lukela kuba kwa neku le cwale. Mi ba leka litema nyana kwani, ni kuyaha fateni ndu ya libaka ze ketalizoho kwani yaka cwale kuli . . . kwani kwa Silver Plume, Colorado, ili mwahala malundu mwani. Kacwalo, mina bayambi, Ni sepa kuli ki nako yende, kacwalo ikona kuba sibaka sesinde sa kuikatuluseza teñi, mi cwale kasumulaho wa mikopano ni lika zeñwi, haiba Mulimu alumeleza. Foo kuitingile ku Yena, mwa bona.

23 Ni lakaza kuli cwale lu talimise kutwisiso ya luna kwa Linzwi. Mi Na lata fela Linzwi, lona Linzwi leli pila la Mulimu. Ki, mwahala Linzwi mo ku na ni Bupilo. Cwale, “Linzwi, liñolo, la bulaya, kono Moya wa fa Bupilo.” Mi Bupilo bu mwa Linzwi, kakuli ki Linzwi la Mulimu. Bupilo bu fumaneha mwa Linzwi la Lona.

Inge hane Ni ka mi bulelela kuli, “Na mifa . . .”

24 Mu li, “Ni lapile, kakusasana cwana, Muzwale Branham. Kana uka nifa ma dollar a ketalizoho?”

25 Ni ka bulelela kuli, “Ni ka kufa.” Cwale, kuna ni fela bupilo bobuñata mwahali mwani sina mo kuinezi mwa sepišo yaka.

26 Kona mo kuinezi ka Mulimu. Mi Mulimu ha sepisa sika kaufela, kipeto seo Mulimu ali sona, sa Hae . . . Una ni kuba mwa Linzwi la Hae. Mwabona? Linzwi le ha li swaneli . . . Linzwi le ki le liswana fela sina Mulimu. Ki Mulimu.

27 Linzwi la hao kona so li sona. Ki litamo za hao; ne lu li biza cwalo. Tamo ya hao ki linzwi la hao. Haiba ha lukoni kunga linzwi la hao, kona kuli ha Ni koni kuba ni sepo. Kono haiba Ni kona kunga linzwi la hao ka sika kaufela, konakuli ki muuna wa maoyo.

28 Mi Bibeles ibulezi kuli, “Kwa simuluho nekuna ni Linzwi, mi Linzwi nali ku Mulimu, mi Linzwi neli Mulimu.” Mwabona? Mwabona? “Mi Linzwi a ezwa nama, mi a to yaha ku luna.”

29 Haiba lukona ku nahana, se, ona lifasi luli le lupila ku lona, kakusasana cwana, kona Linzwi la Mulimu. Kota *yani* kona Linzwi la Mulimu. Mi wena, mubili wa hao, kona Linzwi la Mulimu. Mulimu na li bulezi fela mi la ta teñi, a li bupa kuzwa ku ze si yo; le ne si lina sika.

30 Kana mukile mwa lemuha bupilo bwa butu, ko ne buzwile? Selu nyana yenyinyani, ye nyinyani hahulu kuli liito la mutu halikoni kwa bona; konji fela ka gilasi yetuna, ye mata. Mi kuzwa mwani kwa taha handeleti-ni-fifite, pa paundi a tu handeleti. Na zwile kai? Mwabona? Mulimu na li bulezi fela, mi za kala fela, ka sibupeho, za hula, mi za itahisa fela ona cwalo. Na bulezi kota kaufela, lika kaufela, mi za iponahaza. Mi ki nto yende luli, nto yende hakalo, kakusasana cwana, ka kutalima Linzwi la Mulimu.

31 Cwale, se, kakusasana cwana, mwa Testamente ya Kale, lu sikuluhela mwa Makolonika. Ni bile fela ya filikani nyana. . . Hamunze mu apula cwale mwa Makolonika, kauhanyo ya 18. Ni katezi nyana fela. Kono haiba Mulena alata. . .

32 Ha ni zibi hande; lu ka ziba zeñata la Bulalu busihu. Haiba Mulena a lata, mi keleke i ikutwa kuetelelwa ka nzila yeo, Ni tabela kuba ni la Bulalu, la Bune, la Bufaifi, Pelekelo, ni la Sunda, sina ancafazo kwanu, ki tuto fela ya ancafazo yezwa mwa Linzwi. [Kopano ili, “Amen.”—Mu.] Labulalu, Labune, la Bufaifi, Pelekelo, ni la Sunda, ki kuluta fela fa Linzwi; isiñi lisebelezozo za kufolisa, kono kuluta. Mwendu Mulena uka lu etelela ka nzila yeo. Mi cwale luna. . . Ni lata fela kuba ni mina ni kuba ni kopano kupotoloha Linzwi, ni mina. Ni itumezi, hahulu luli, ka pulelo yende, yeo ya “amen.”

33 Cwale, mwa kauhanyo ya 18 ya Makolonika, ni kukala ka timana ya 12, lu bata kutoma mihupulo ya luna on fani, fa nako nyana fela fa tuto yabutokwa ya lizazi le. Bapili Makol-. . . Kamba, Makolonika Babubeli, mu Ni swalele. Makolonika Babubeli 18:12, mi lu ka bala siemba sa yona fa, ni kubona seo Mulena luna ubata kuli lu zibe.

*Mi numwana ye ilo biza Mikaya a mu sebela ali ku yena, Bona, bapolofita ba mwa linzwi li liliñwi la kubulelela mulena bunde; ki ha nili, Na kulapela ni la hao linzwi, li be sina manzwi a bona, li bulele bunde.*

*Mi Mikaya ali, Ka MULENA ya pila, mane ona sa ka bulele Mulimu waka, kona se Ni ka bulele.*

*Mi ha yo fita ku mulena, mi mulena ali ku yena, Mikaya, ki kuli lu ka i sa ndwa mwa Ramoti-giliadi kwa ndwa, kamba lu tuhele? Mi yena ali, Kambama, ku konde, mi ba ka fungulelwa mwa lizoho la hao.*

<sup>34</sup> Cwale, ka kutoma muhupulo wa luna fa nako nyana; ki linzwi fela li liliñwi ku Yena hape, ku se.

<sup>35</sup> Ndata luna yakwa Lihalimu, ka lipilu ze itumezi lu Ku atumela ona fa cwale, bakeñisa buino bwa mioya ye latehile, bakeñisa bani baba tokwile, bakeñisa kuyemela keleke. Kuli, Moya o Kenile ukene mwa Linzwi kapili cwale, lwa lapela. Li Libise hande kwa pilu kaufela mo ye tokwile. Mi cwale Ha tisa Liñusa la Hae la mata a Linzwi kukena mwa pilu, kaufela luna lu kondise za luba ka Lona, kakusasana cwana; luye, luzwe mwa tabernakele, inge lu nyakalala ni kulumba Mulimu, lubulela kuli, “Lipilu za luna za tuka mwahali ku luna, bakeñisa Kubateni kwa Hae.” Kakuli lwa likupa ka Libizo la Hae. Amen.

<sup>36</sup> Pono ya luna, kakusasana cwana, i ipitezi nyana. Mi Testamente ya Kale, ku na, kamita ki muluti kamba ki—kamba ki siiponi sa Testamente ye Nca. Linako zeñata, kuna ni ya bulelanga kuli, “Muzwale Branham, kiñi ha u balanga hahulu Testamente ya Kale? Mane hañata, ka kunga palo, u ka kutela mwa Testamente ya Kale.” Ni eza cwalo kakuli Ni lata kuswanisisa. Na lata . . .

<sup>37</sup> Tuto yaka ha i si ka fita fahule luli, sina kaufela mo mu zibela. Mi nzila fela ye Ni ziba kuba ka kuba fakau fi ni sika ka kuluka, ki kubona mukwa mo ne uinezi, kotalima fa mutomo ni kubona mo ne si inezi. Mi cwale Ni ka ziba kuli *sani* neli se si swana ku *se* kulo fa, kakuli ki muluti fela wa sona. Mi Na kamita ni talimanga kwamulaho kwa Testamente ya Kale kubona se ne ba ezize bana ba Isilaele, kubona koto ya sibi se ne ili sona, kubona katulo ya baplofita mo ne ibelanga, kubona lika zani kaufela mo ne libelanga; mi kona Ni kaba ni zibo ya kuli *se* ki sikamañi fa, se si ka bonahala ku se si kaba mwa mafelelezo a lika kaufela kwa maungulo.

<sup>38</sup> Ka yona nako ye, nekuna ni nto yetuna ye ne ezahalile kwa Isilaele. Neli mwa lififi la busihu bwa yona.

<sup>39</sup> Mwa Testamente ya Kale, haiba Mulena alata, mwendi mwa lisebelezo ze taha, Ni tabela kubonisa kuli Masika a Likeleke Zesupa na swanisisa mwa Testamente ya Kale. Mo ne a kalezi ona cwalo fela kwa—kwa makalelo a Masika a Keleke ya keleke ya Bamacaba, ni ku shetumuka mwa lusika lo lu swana lwa lififi, ni kutaha mwa nako ye kanya ya Pentekota, kwa kutaha kwa Moya o Kenile mwa keleke ya makalelo ya . . . mwa lusika lwa Sijuda. Mi ni kukena mwa nako yeñwi ya keleke ya Bamacaba, mwahala lusika lwa lififi, mi ni kutaha hape mwa Mileniamu, kwa mafelelezo.

<sup>40</sup> Cwale, kuli kwani kwa mulaho mianda anda ya lilimo kwani, yena mulena yomutuna yo Akabe ataha mwa puso. Mi na pahami fa kabubo ka malena ba bañwi ba Isilaele, ya nali mu . . . Akabe, kasibili, nali ya—ya likanyisa kulumela wa sihalihali. Ni bile ni

bulelanga kamita za hae ka nzila yeo, kakuli na li wa siemba se sa lukwakwa, siemba sa nako kwa neku *lani* la lukwakwa.

<sup>41</sup> Hana kuziba mwa kuyemela, muuna ya si na mayemo a cwalo. Kamba, mutu ya ipiza kuba Mukreste, mi abe ya sina mayemo cwalo, hauna kuziba mwa ku tuseza mutu yoo. Kacenu ki Bakreste; kamuso ha mu zibi fo ba inzi. Mwa keleke kacenu, ba nyakalala ni kuopela ni kulumba Mulimu; mi kamuso, ba fande inge banwa, butahwa ni butanya, inge ba kiba kiba. Konakuli mutu wa mufuta wani u tata kueza sika kaufela ni yena.

<sup>42</sup> Na hupula, inge ni sa li mushimani, ne lu nani—ni mbongolo, ye ne lata hahulu kutulaka makwakwa nako kaufela. Mi Ni sepa buñata bwa mina baana, ba siemo saka, mwa ziba zeo kwa mulaho mwa mazazi a limbongolo, mazazi a likoloi. Ni tile hañata, ona mwa mukwakwa wo kwanu, inge ni pahami mbongolo ni sikocikala, ni kwezi mwateni. Ni na ni myaha ye fote-faifi. Kacwalo, bona . . . Na hupula, yona pizi ya kale ye, ne lu ka beya koko fa mulala wa yona, inge mo ne mu ka panelela komu, kuli isike ya tula lukwakwa. Kono ne i tula kupale, kupale kumane. Mi ne i mata mata ni koko yani kwa ni kwa, ni zeñwi cwalo. Ne i tulela fahalimwa lukwakwa. Mi zazi leliñwi, se ne i . . .

<sup>43</sup> Ne ni komoka sene si ebelelisa folofolo yani. Mi ne kuna ni musima o no katilwe omutuna kwani. Cwale, ne i yemi mwa bucwani bwa kuica, oh, bo butelele, kono ne ibata . . . Nekuna ni bucwani bwa matenganya mwa musima wani. Mi ya tula lukwakwa lwani ni kukena mwa musima wani mo ne kuna ni mawaya ni mabotela kaufela, mo ne lu . . . neli mwa—mwa simbotela, ni kuwela mwani kuli i yo ca bucwani bobulikani fela bwa matenganya. Mi ne luna ni kunga limbongolo zeñwi kuli lu i hohe kuzwa mwa musima. Ha i tulela mwateni, ya yo kolatela. Mi ha i yo yema fande fani, ne isweli kunjanja ni kulota mali, ni—ni mo ne ibezi kaufela, kuli i beye fela sico mwahanu, kamba matali amabeli a matenganya ani, kanti ne i pila mo kutezi lico za limunanu, zeñata kufita mwa mañwele ayona.

<sup>44</sup> Ni bile ni hupulanga kamita siswaniso sani. “Nzila ya mutu ya maswe ki ye tata.” Ne i palelwa fela kuina kulo kulikuñwi mo ne i fula ni kuba ni nako yende, kono haili . . . ne i tulile lukwakwa mi ya yo i kubaula ni kuikoilofaza ni kufalauha ona cwalo, kuli ice fela kalikañwi ka—ka bucwani bo bu shutana wateni. Cwale, cwalo kona mo ba ezezanga batu, ba ba tulanga lukwakwa lwa mafulisezo Mulimu. Kikuli ha mu lumeli cwalo? Kuzwela fande, kuya fande kacenu; kutaha mwahali. U mwa keleke, inza ba ni nako yende; mi, kamuso, u lekiwa kwande ka sika se si cwalo. Si eza lika kuba tata.

<sup>45</sup> Akabe ni yena neli mutu wa mufuta o cwalo. Zazi ni zazi moya ha no fuka, Akabe na nza beile kale lieto la hae hande, haiba neli kwa neku *le* kamba neku *lani*. Linyalo la hae la mu

lyanganisa hahulu, ni musali nyana ya na li mukwae, mwana mulena wa musizana, ili Jezabele. Neli yomunde hahulu ha talimwa, musali yomunde luli, kono mwa pilu ya hae nali ya maswe. Mi nali mulapeli wa milimu, mi a kenya Isilaele kaufela. . .

<sup>46</sup> Cwale, mo Ni latela kuyemela foo ka mizuzu yelikani fela, mo ne ku kona kubela, ka kukena mwa butungi bwa bushemi bwa musali boo, mwabona, mwani. Mi cwale mutu ha kalisa kunyala; mufuta wa musizana, musali yo aka. . . Ki nto yetuna kufita kutalimela fela fa bunde. U lukela kunga mutu, ka kutalima moyo ni mubili kuli kopanya hamoho; ibe mutu ya ka ba mulikana hao ni muina tuko, ya ka kuyema bukaufi mwa lika zetata ni ze bunolo.

<sup>47</sup> Cwale, kono, Akabe, na mu latile fela kakuli nali yomunde, Na sepa, ni ku mu nyala. Haikoni kuba nto isili fela ka yena, bakeñisa yena, ni ha nali ya maswe ka mwa na bezi. Mi ki ha taha kwani. Mi cwale, kakuli, kakuba ya tatelizwe ni yena ona cwalo, mi a mu lata, kiñi, na tiselize Isilaele kueza sibi ni ku lwanisa Mulimu, ni ku wisa tutala twa Mulimu; a yaha tutala twa Baalim. Mi ne ba na ni milapelo ya Baale mwa Isilaele kaufela, ka nako yani.

<sup>48</sup> Cwale, musala hae na tiselize Nabote ya lukile. . . Buñata bwa mina mu balile za hae. Mwa na ngezi simu ya hae, ka bupumi; a konka, ka buhata, mi nana ni lipaki za buhata ze ne mu lwanisa. Kakuli, na bata kuezeza muuna hae sika; mi a bulaya muuna ya lukile, kuli ange simu ye ne li bukaufi ni sibaka sa muleneñi.

<sup>49</sup> Ze kaufela, Mulimu nasweli kutalima fafasi. Kacwalo mupolofita, Elia, ya nali yomutuna, mutanga ya mata wa Mulena, a polofita ni kubulelela Jezabele ze ne ka ezahala ku yena. Mi a bulelela Akabe kuli linja li ka kapa mali a hae. Cwale, mi Mulimu ha bulela sika kaufela. . . Kakuli, mazazi ani, Linzwi la Mulena ne li taha ka mupolofita.

<sup>50</sup> “Mulimu, mwa linako za ikale ni ka mikwa yemiñata na bulela ni bashemi baluna ni ka bapolofita, mwa lizazi la mafelelezo le ka Mwana Hae, Kreste Jesu.”

<sup>51</sup> Kacwalo, *Le* kona Linzwi. Mi haiba sika kaufela sa shutana ku *Lona*, mu si tuhele. Mwabona? Cwale, sa bubeli, U bulela kacenu ka mupolofita, muboni, ni zeñwi cwalo. Kono pili ki *Se*, lona Linzwi. Cwale. . .

<sup>52</sup> Mi Akabe na ezize bumaswe bo. Mi a zwelapili; Mulimu inza fuyola sicaba ka myaha yemiñata. Mi, mafelelezo, Jehoshafati nali mulena wa Juda, mi Akabe nali mulena wa Isilaele.

<sup>53</sup> Mi, he, Jehoshafati nali muuna ya lukile. Nali mwana wa Asa. Asa neli mu—mu muuna ya lukile, mi a wisaka tutala kaufela twa—twa milapelo ya milimu; ayaha tutala twa Jehova. Mi bona ka kuba ni—ni ancafazo, sina mo ne kuinezi, mwani mwa Juda.

54 Mi cwale kasamulaho nyana, Jehoshafati, kamba Akabe nitaluse, a luma, mi afumana sibaka sesiñwi sa naha, kwa Siria, sa na hupula kuli ne li sa hae, sa na hupula kuli kuli ayo ikungela. Kacwalo a kupa Jehoshafati haiba na ka taha ni kuba ni tamahano ni yena.

55 Mi, kakuli, kuna ni kozi yetuna cwale, mwabona, hane ba boni mulena yomutuna yo, Akabe, kulo kwani, mi ba bona yomutuna yo fa, Jehoshafati; a limuñwi wa bona, neli ya enya fela; yomuñwi, neli muuna yatezi Moya. Mu tokomele mo mu bela ni buitamo bwa mina. U tokomele so eza, mo u tamahanela ni ya sa lumeli. I peye ya kenile, sihulu mwa lizazi le lu pila kulona.

56 Na lumela, keleke, kusina muluti wa ku kakanya, se sa cisa mwa pilu yaka. Ki kabakaleo Ni bata masihu a ketalizoho aa, cwanoñu; kuli hape, li si ka ezahala kale, ni fe keleke ye kukamuna ko ku swanela, ka Bibebe.

57 Lu pila mwa miluti ya nako. Za kona ku ezahala ka nako kaufela. Ha lubona linako litaha kuli zeñwi liezahale; bumaswe luli bwa sila, ona mata ateñi. Lu talima mandinda a litwa aa ni lika kaufela ze sweli kuezahala, ona maswenyeho a kaufela, lika ze shutana kaufela. Ze tisizwe kaufela ki kulyangana kwa, ka ku kunupa lindalamiti ze ni lika zeñwi. Basweli ku lyanganisa lika kaufela fa. Mi basweli kulyanganela mwa ndu yetuna ya Mulimu ya za milyani, kuli ataleze Linzwi la Hae. Li ka ezahala.

58 Kacwalo, “muuna wa sibi” a taha, puso, ka bupumi luli. Mawi. Ni utwile mukutazi kakusasana cwana, muuna yatezi Moya, ku amuhela nombolo ya sibatana ni kubulela kuli antikreste nali Russia. Ha ki mafosisa ni ao. Uh-huh. Russia haina sa kueza ni zona. Batili, sha. Zeo ki za Mañolo. Cwale, kono mulemuhe mwa nako yetuna ye lupila ku yona ye, ki temuso.

59 Cwale, yena Jehoshafati yoo, na ikutwa hande kakuli mulena yomutuna wa Isilaele naize, “Taha, u to ni potela.” Mi a ya kwani. Mi banga likomu ni lingu, ni zeñwi cwalo, za eza sitabelo. Nako kaufela, mwa pilu ya Akabe mwani, nali mupumi, kakuli na sa lapeli sani. . . kamba kufa ngu yani ni lika zeñwi ka pilu ya niti, kakuli, kasamulaho wa lika kaufela, a yendamena hahulu kwa bulapeli bwa musala hae.

60 Mi mulemuhe, inge fela Akabe mwa na nyalezi Jezabele ka nako ya lusika lwa lififi yani mwa Isilaele, a tisa bulapeli bwa milimu mwa Isilaele, mufuta luli wa kacenu. Mwa lusika lwa lififi fela; ha lu taha ka baaositola ba makalelo, ka nako ya bubeli, ka muzamao wa bulalu, kukena mwa lusika lwa lififi, myaha ye mianda ye fifitini. Inge fela Akabe mwa na nyalezi Jezabele ni kutisa bulapeli bwa milimu mwa Isilaele, kona ni Moya o Kenile mo no nyalezi mwa milao, ni kutisa bulapeli bwa milimu mwateni, mi kacenu ki mufuta wa Bukreste. Mwabona? Mwabona, ki bunsu fela. Mi cwale se li shenyelize fafasi, zazi ni zazi; lusika lwa keleke ifi ni ifi lutaha fafasi fa nto yeswana



yeo, kutaha fa bupahamo bo butuna, kutaha kwa buino bo bu futumala fela, Lusika lwa Keleke ye enya ya Laodesia. Oh, ha ki hola kwa kusabisa ni yeo mo lupila.

<sup>61</sup> Muteeleze. Ni bata ku ipulela ona fa, Ni si ka ya kale kwapili. Ni mukutazi wa kale ya lakaza kubona mazazi a kale hape. Ni boni zeñata hahulu za malikanyiso a, Hollywood i benyisa hahulu Evangeli, kufitela Ni ba ya nyikwa ki zona. Eeni, sha. Ni bata kubona mukwa wa kale. Na saba kuli lu eza Bukreste kuba hahulu bunde kwa sicaba; ki nzila ye maswe.

<sup>62</sup> Cwale, Jehoshafati ataha, a nahana kuli, “Oh, kihande, yena mulena yomutuna wa Isilaele yo, Ni ka . . . Oh, lu ka . . . Ku kaba hande.” Mi ona mwahala lika ze kaufela, ki sikamañi sa na ezize? A eza tumelelano, kuli ayo lwanisa sila, fa mayem a kutwano, kakuli ne ba bulezi kuli, “Sibeli sa luna lu batu baba swana.” Kono ne ba si cwalo. Sesiñwi neli sikwata se si tezi Moya, sesiñwi ne li fela sikwata se si enya. Ha ki sikwata se si swana. Batili, sha. Haukoni kuba cwalo . . .

<sup>63</sup> Lififi halikoni kuba ni kopano ni liseli. Bu—bu busihu ha bukoni kupila fa pila liseli la lizazi. Mi nako ye sa sepahali hahulu ku zeliteni, ki mwahala linako. Lizazi fela ha ne libata kulikela kamba kupazula, kona nako ye sabisa hahulu ku ze li teni. Hakuna pono yetuna ye bona handende; maseli a hao kwa mota haana kubonisa hande ka kumonyeha ka swanelo. Ku hande kuba bunsu kamba liseli. Jesu naize, “U cise kamba u bate, isiñi kuenya.” Fela, yeo wo kona mululwani o sabisa.

<sup>64</sup> Mi cwale Jehoshafati, ha yo taha, mi cwale tamahano ye ya ezwa, ye ne sa tabisi Mulimu. Mi mulemuhe, mwa nako ya hae fela, mwa lika ze tabisa cwale, “Ni fumani kushemukiwa ki mulena yo. Mi, oh, Ni—Ni—Ni na ni kutwano ni muyaha tuko waka yo. Ni nani . . .”

<sup>65</sup> Mwabona, mu tokomele, zeo, keleke yani. Mwabona? Sani kona se si tisa butata kaufela mwahala tabernakele ye kwanu, ni kwa libaka zeñwi. Mwabona? Mu tokomele ze mu ikopanya ku zona. Mwabona? Mutahe hande, ikana yaba kuli ube ni Kreste kamba wa Mu lwanisa. Mwabona?

<sup>66</sup> Cwale, mutangana yo na ezize silikani, mi a hupula kuli u ezize nto yeñwi yetuna. Ibo, fani hana ize, “Kana kikuli hakuna cwale, lu si ka ya kale, ye lu swanela kubuza Mulena ka taba ye?” Cwale, Jehoshafati nana ni bulapeli bo buñata bone bu sa siyezi ku yena, mwa mafosisa a hae, kuli naile ku mulena yo, kono nana ni bulapeli bo buñata bone bu sa siyezi ku yena kuli a nahane, “Kihande, lu lukela ku buza Mulena.”

<sup>67</sup> Cwale, Akabe na zwezi kwani ku si na kubulela linzwi; buino bwa hae fela bwa sisole, bwa nama, nzila ya butu ya kueza lika.

<sup>68</sup> Na komoka fela ona mo, keleke, haiba zeo ha li si ka ezahala, linako zeñata, lu ezize mafosisa. Mu li batisise, ni kubulela kuli, “Kihande, li na ni kuba ka nzila ye,” mi lu li beya fela ona cwalo.

69 Ni sepa kuli foo kona fo kuna ni bu buleli bobutuna bwa ma American kacenu, kuli lu bu beile mwa mukwa o—o, Ni kona kubulela kuli, kuhasanya evangeli ka Hollywood, buñata bwa lika buyemi mwa bunde. Lu lemuha kuli mubuleli ataha kwa katala, kacenu, mi, mawi, ki ya ikuhumusa luli, ni kubulela makande amañata a lisheha asika kala kukutaza, ni lika ze cwalo, ni kuzwelapili ni kueza inge lisheha, fa katala. Ha se ili nako ya kubeza sicaba kwa katala, sicaba mane ha si boni busepahali kaufela bwa kuba ni pizo ya kwa katala. Yeo ki niti. Kona libaka lifasi ha li keni mwa buino bo bu futumala kacenu, bo li li ku bona.

70 Ha ni zibi, kacenu. Fela ki, kacenu, Ni . . . Keleke, lu likile kuluma bashimani ba luna kwa sikolo, ku yo ituta mihupulo ya batu, ni zeñwi ze cwalo, kuziba mwa ku tungekela mukoloko, mwa kuyemela fa katala ni ku lukisa za luna . . . Liñusa ki le li shemaeta hahulu, kuli li ka swala sicaba, ni kuswala mihupulo ya sona. Mi baituti babañata ba za booko ba zwela kwande bali baluti cwalo, ni kueza lipapali ni kubulela litaba zeñata ni zeñwi. Mi Na komoka fela, ha ba . . . seo . . . Kamita lu kana lubulela za bunde ni ku ebelisa kwa keleke. Kono lu palelwa ku ba bulelela kuli, “Ya ka Ni latelela, a i tobohe ili yena, alwale sifapahano sa hae, mi a Ni latelele.” Ha ni zibi haiba ha lu si ka kabisa bunde bwa keleke kuba bunde kufitelela, ku mutu ya taha mwahali.

71 Ka mutala, keleke ya Baptist kacenu ina ni pulelo yeli, “Milioni i ekezwe hape ka '44,” kukenya mwateni ma membala ka likitikiti, ni mashumi a likitikiti, batu baba si ka baka kale baba ikenela fela ni kuikopanya mwa keleke. Mi ki sikoloti kwa Keleke ya Jesu Krete, kuli lu nge ma membala baba cwalo bakene mwateni. Ba sa nwa. Ba sa zuba. Ba sa nuha. Ba sa bulela buhata.

72 Ba taha kwa keleke, ku kulubela kutabiswa ki sikwata sa ba Hollywood babuleli baba nanuha, ba apala fela bunde hahulu, ni lilimba zeñata zetuna ze beilwwe fahalimu-ni-fafasi kwa katala.

73 Kanti, ne ba lukela kuba ni mukwa wa kale, wa kubeya Mulimu kwa pili inge ba lila, kuba ni pizo ya kwa katala kwani; koo baana ni basali ha ba tahi ka kukaba fela, kamba kumata mata ni kueza za lisheha, kono fa kufita fa katala ni kulemuha kuli lifu la Jesu Krete kwani, ya na ba shwezi, kuli bakuta ka kusepahala ni Mulimu hape.

74 Ha ni zibi haiba ha lu pili mwa nako ye cwalo, ha lu ngile babuleli babatuna, inge babañata baba sweli kusila linaha kacenu, babuleli babatuna baba zibahala baba itutile ngana ya butu ni kuhohela sicaba kwa keleke. Kono mu sa ba fela ni bona mwa keleke, kona kuli ki sikamañi se mu ka eza ni bona? Ki—ki sikamañi se ba ka eza ha ba ma no kena mwa keleke? Ku ikopanya fela kwa keleke, ni kuta ni sibi se si swana ni takazo yeswana ye ne ba tile mwa keleke ni yona. Ba kuta ka nzila

yeswana. Mi leo kona libaka, kacenu, lifasi inge li talimezi fela, ali, “Kihande, haiba muuna *yani* una ni bulapeli, haiba mutu *yo* una ni bulapeli. . .”

<sup>75</sup> Na saba kuli lu li ezize ka bunolo. Ki, Na lata. . . Na sepa, tabo, kiniti, Ni lumela kuli tabo kaufela i ku Jesu Kreste. Yeo ki niti. Ni lumela kuli ki tabo ni nyakalalo. Kono muhupule, muzwale, ki nzila ya macwe ni manyando ni sifapahano. Mu lukela kulemuha cwalo, ni mina. Yeo ki niti. Hani zibi haiba ha lu si ka ipenta kale hanyinyani—ka bunolo nyina.

<sup>76</sup> Inge, ha Ne ni sweli kutalima, mi musala ka a beya. . . Na funduka, mi a beya palisa fa koti yaka kakusasana cwana. Musali ali, “Ulukela ku i tinanga. Bo maho ba sa pila.”

    Mi se Nili, “Oh, mulatiwa, ha Ni zibi.”

<sup>77</sup> Lizazi la Bahame ki lelinde, kono leo liswana sina lifasi, bana ni lika za litekisano, ka kulekisa fela lipalisa ni lika zecwalo. Kupalañi, ki kushwaula bahame. Kiñi, boma ki boma zazi ni zazi la mwaha, eeni, sha, isiñi fela ka lizazi li liliñwi.

    Ni ka li, “Wa lata bo maho?”

<sup>78</sup> “Ne ni ba balumezi sikocela sa lipalisa ka Lizazi la Bahame.” Kihande, muzwale, u lukela kuba me zazi ni zazi. Kono seli fela ki za litekisano.

<sup>79</sup> Palisa yani ki yende. Na lata palisa yende luli. Ni nahana fateni inge fela mo Ni nahanela. . . Mo ibezi palisa yende. Ya panya. Mi ina ni munko omunde. Mi ba bafita bukaufi ba utwa munko wayona. Folofolo ha itaha bukaufi, ya utwa munko wayona. Kono, cwale mutalime, ki yende. Kuswana inge Keleke ya Mulena Jesu Kreste, kona nto ye kanya hahulu; Foliso ya bumulimu, ni mata, ni ze komokisa, ni lisupo, ni limakazo, ni tukuluho kwa sibi. Ki sibaka sesinde. Kono, mutalime, haiba palisa yani. . . Lukaba ni kutaha, yona Keleke, sina pupo kaufela.

<sup>80</sup> Palisa yani, kakuba yende, komu kaufela mwa naha yakona kufula palisa yeo haiba i kona. Kono pupo inani litipa nyana, miwayo nyana ye comohile cwalo kapili, ye bizwa miutwa, mi kipeto za saba kwateni. Yani kona ye i sileleza. Yeo ki niti.

<sup>81</sup> Mi Na sepa, kacenu, haiba ha lu si kaba ni Linzwi la Mulim, kuba le li buhali kufita mukwale o lozizwe kwa ni kwa, mwa bunde bwa mata a kukena kwa Mulimu, lu ka lumeleza komu kaufela mwa naha kufula Fateni ni ku I puma. I ka tampakanyiwa ki Yona. Ikaba kalimelo kwa Keleke. Yeo ki niti.

<sup>82</sup> Na sepa, kacenu, se lutokwa ki mufuta wa kale, bakutazi baba bizizwe ki Mulimu, butala, mwendi kusina tuto yeñata, kono li ka tisa sicaba kwa aletare, mi teñi kwani ba bokolole. Isiñi ka tabo bu kushenauna, ni kufuta chwingamu, ni kuñola mabizo fa pampili; kono, muzwale, ki kulila ka mufuta wa kale

ni ku ishwela, kufitela baana ni basali ba baka ka kusepahala kwa libi zabona ni kutaha bukaufi ni Mulimu. Amen.

<sup>83</sup> Na mi bulelela, luna ni, “Munanule mazoho a mina, baba bata kuamuhela Kreste,” kaufela ona cwalo. Seo si lukile, muzwale, kono seo ha si—ha si leleki sibi.

<sup>84</sup> U swanela kubaka pili, ube ya petehile, u kubame fani mi u lile mwa niti. Na hupula linako fani batu ba ikale ha ne ba zamaya mwahala lipula, mane kwa ni kwa mwa mikwakwa, inge ba lila, ni kuambola ku bo muyaha tuko ba bona. Bani neli Bakreste ba zazi lani; kuba bulelela ka lika za Mulena.

<sup>85</sup> Mi, kacenu, lu beya mabizo a luna mwa buka ya keleke, ni kuzwela fande ni kuina kwa mahae, mane kusina neba kubulela linzwi la Zona. Kusa iseza ngana kwa lika. “Inge fela mo lu bela siemba sa keleke, ku lukile.” Na sepa lwa fosa foo, sicaba. Mu tatube. Kakuli, zeo halina kuyema mwa katulo. Batili, sha. Halina kuezahala.

<sup>86</sup> Hakuna nto isili, “Ya ka Ni latelela, yoo aitobohe, a lwale sifapano sa hae, mi a shwe zazi ni zazi.” Uina inge ushwile, fa sifapano fani. Yeo ki niti. Ziyezi! “Nzila, Ni ka ya ka nzila,” mwa opelanga kuli, “ni baba likani ba ba kendilwe ba Mulena.”

<sup>87</sup> Ni sepa kacenu, ha ki nako ni yeo mo lupila! Kuli, bulumiwa, ba bu beya mwa liseli lelituna le lituna-tuna, mi balika. . . Ha mubona mubuleli ha taha mwa tolopo, mwa komoka. Na, mikopano yaka ibile ni mulatu wa ze swana. Yeo ki niti. Hani zibi ya taha kwa tolopo, linako zeñwi, mubuleli kamba Jesu Kreste? Kiñi, bana ni. . .

<sup>88</sup> Ne ni ile mwa sibaka kwanu, ha ki kale hahulu, ko ne ku lukela kutaha mubuleli yomuñwi. Mi ba Libizo la Jesu. . . Kiñi, ne ba na ni siswaniso sa mubuleli kuli, “mubuleli wa hola ye,” muuna yani una ni se, ni muuna yana nani *sani*.

<sup>89</sup> Na, linako zeñwi Ni hupulanga za bulumiwa bwaka, ni kubona batu inge ba taha. Mi kipeto Ni kena mwa sibaka sa hotela, nili, “Mulimu, kimañi—kimañi ye ba tela ku to bona sicaba, na kamba Wena?” Mwabona? “Haiba ba tela ku to bona na, ba latehile, kanti; O Mulimu, ni lubake fela, ni zwise fateni. Ni bata ku Ku yemela, yena Yo Lu ka yo yema fapila hae zazi leliñwi, ni mazoho a njanja ni kunjanja, mubili o fokola, inge lu talimela Wena. Ka kuziba kuli moyo waka u nyendaela ka keto ya Hao.” Ha lu pahamiseñi Kreste.

<sup>90</sup> Kacenu, u li, “Kihande, Ni wa Baptist. Ni wa Methodist. Ni wa siemba sa tabernakele. Ni eza se.” Oh, zeo halina za kueza ni zona; hakuna sika. Ha ni zibi fokuñwi.

<sup>91</sup> Kwanu ha ki kale hahulu, Ne ni boni—ni papazo, kone kuna ni mukopano omuñwi ono taha kwa muleneñi. Mi linzwi la muuna yani, libizo la muuna yani ne li ñozwi ka litakku zetuna kwa maneku, kaufela sina *cwalo*. Mi kwatasi, mwa lilulu

cwalo, kuñozwi kuli, “Jesu Kreste wa swana maabani, kacenu, ni kuyakuile,” kwahule koo mwa lilulu. Mwabona?

<sup>92</sup> Ne bangile bupahami bwa Kreste, ni ku bu kambeka ku muuna yani, kamba keleke yeñwi, kamba kopano yeñwi cwalo. Muzwale, Na bulela, wakona kuzwelapili ni bukabali cwalo, lisheha la Hollywood, sina cwalo, mwa . . . ka kuba keleke. Kono, fa Pila Jesu Kreste, ki Yena ya lukela ku fiwa kanya. Yeo ki niti. Cwale, yeo kona niti, muzwale waka yomunde ni kezeli.

<sup>93</sup> Musike mwa ni nyemela. Mu hupule fela kuli Na mi kutaza. Ni bata ku kutaza inge kuli ye kona kutazo ya mafelelezo ye Ni kona ku kutaza fateni mwa bupilo bwaka. Ni bata ku kutaza, kutazo kaufela ye Ni kutaza, inge kuli Ne nili mutu ya na shwa ya kutaza kwa batu baba shwa. Mi, Ni; liseli la ka la tuka, zazi ni zazi; la hao li cwalo, ni lona. Mi luna lu shwa batu baba shwa. Mi luna ni kulibana ni Mulimu yapila, leliñwi la mazazi aa, mi kihande lu be ka kusepahala ka se.

<sup>94</sup> Ka likute fela, ni kuzwelapili cwalo, ni kuikopanya kwa keleke, ni kuya *kwanu ni kwani*, kueza ka nzila *ye* ni ka nzila *yani*.

<sup>95</sup> Kihande lu bange ni mikopano ya litapelo za kale mwa malapa a luna, ni kulilela ku Mulimu, musihali ni busihu. Lizazi li sutelezi, “nako ya ñalelwa, nako ya butata.” Bibeke i bulezi kuli, “ki lizazi le li unsufezi.” Mi lu pila ku lona.

<sup>96</sup> Ka mwa na yezi muuna yo kwani ka tabo. A yo ikopanya kwa sikwata se si enya, ni ba sihalihali, mi a hupula kuli nasweli kueza ka swanelo, a hupula kuli Mulimu na sweli ku mu fuyola. Mi kusina kulemuha kuli ona fani nasweli ku kenya sikwata se mwateni ni yena. Sikamañi? “Sikwata nyana sa luna, sa—sa Juda fahalimu fa, ne si ka taha ku to ikopanya ni luna ni likwata zetuna za Isilaele. Lu kaba sicaba se si cwani kwa butuna.”

<sup>97</sup> Ki fo he cwale. Mi wani kona mufuta luli wa bupumi wo diabulosi a sweli ku itusisa ona fa cwale, kwa kutisa ku antikreste; kuya fela ka niti inge mo Ni yemela mwa taba ye. “Lu ka kopanya mata aluna hamoho.” Halukoni kueza cwalo. Bababeli bakona cwani ku zamaya hamoho, ha ba sa lumelelani?

<sup>98</sup> Yona United States ye i eza lika zeswana, kutwisiso yeswana ni mafosisa aswana, ha ne i kopani ni Russia kwa mulaho kwani. Ka nako yene ba li bukaufi fela ni kuba ni ndwa, ni kutamahana hamoho ni Russia. Mi cwale mwa bona se lu nani, nji cwani? Bana ni lifulai za luna ni likunutu za luna kaufela, ni lindalamiti za luna za atomic ni lika kaufela ze beilwe kwani, ku lu fukiseza zona. Nto yeswana izamaelela ni ku za moya.

<sup>99</sup> Mi lu fumana kuli, Jehoshafati amano eza taba ye ku ba bulikani, mi ba buza. Cwale mutalime, mutalime lifasi la kwande, ki hali, “Luli, luna ni bapolofita ba bañata kwanu. Luna ni sikolo sa za bulapeli se si tezi fela bona.”

<sup>100</sup> Ba yo nga mitangana ye lutilwe, ye ne ziba mubelekelo wa ngana ya batu, bene baziba lika zateni kaufela. Bali, “Amutahe kwana cwale, mi lu buza ni kubatisisa ku Mulena.”

<sup>101</sup> Kaufela bona, eeni sha, mwa minahano yabona ya butu, ba taha kwani mi ba li, “Cwale, mutalime, luka. . . Aku kambame. Mulena una ni wena, mi Mulena u ka kufa sona sibaka sani kulo kwani. Kuli, si kaba sa hao. U ka leleka ma Siria mane ba zwe mwateni. U ka kwanisa kueza cwalo.” Alimuñwi wa bona mane a ikezeza manaka a sipi amabeli, mi akala kumata mata sina *cwana*, inza li, “Cwana kona, mo ka kasheza ni kuleleka ma Siria bazwe.”

<sup>102</sup> Kono, Jehoshafati, ka kuba fela wa moya nyana, kuli autwane ni bukuba bwani bwa lisheha. Yeo ki niti.

<sup>103</sup> Mulimu, a lufe bo Jehoshafati babañata, se ni nyikilwe mane ni katezi ni ze za lisheha la ba Hollywood. Yeo ki niti, kutina, ku ikangabeka kuba ze ba si zona; ku i cananganisa, kueza lipapali, kubizeza babañwi mwateni. Mi cwale ha ba kena mwahali, ki sikamañi se mu nani ha mukena? Sina ku biza mutu kuli, “utahe ku to tapa mwa lihalaupa”. Hakuna sesiñwi kwanda lishabati fela la fa likamba kwa toho ya hao, kuli u i tiseze fela maswabi kasumulaho wa zeo.

<sup>104</sup> Cwale mulemuhe, ki sikamañi se mu ka batisa kusona? Kalibe yomuñwi naize kuna zazi leliñwi, “Muuna naize, ‘Ne ni kaya kwa keleke, kono ki—ki sikamañi se Ni ka nga ha Ni ya kwa keleke?’ Ali, ‘Kaufela se ba eza ki ku ongaonga mulalelo, mi ba. . . ka se, *sani*, ni *sesiñwi*.’” Mi kalibe ali, “Ne ni yemi ni kuzize, kakuli Ne ni sa zibi kwa ku mu luma.” Ki fo he cwale. Ali, “Ni lakaza kuli kambe Ne ni ka fumana keleke ya kale ko ne ba opela lipina za kale mi kupila ka bumulimu.”

<sup>105</sup> Bana ha ba lapile, ba ka ca neba mwa singongolo sa kuyumbela masila. Ku itingile kwa Keleke ya Mulimu yapila kuli aba fepe ka Linzwi leli pila la. . . Mulimu.

<sup>106</sup> Kwani, mwahala lika ze ebelelisa zani kaufela, Jehoshafati ali, “Kana ha kusana nihaiba alimuñwi hape?”

<sup>107</sup> “Alimuñwi hape?” Akabe abulela. “Kihande, ki sikamañi so tokwela yomuñwi hape? Lu na ni baba mianda yemine babande, baba ketilwe, baba fepiwa hande, ki baana ba tinile zende kubabaliteni mwa naha, bayemi fa. Mañi ni mañi wa bona mwa buñwi, mi pilu iliñwi, mi linzwi li liliñwi, bali, ‘Zamaya! Mulimu una ni wena.’”

<sup>108</sup> Ha ni zibi haiba United States ha isika kopana ni taba yeswana. Ha ni zibi haiba Keleke ya Mulimu haisika kopana ni taba yeswana. Ha ni zibi. “Kihande,” bali, “mutalime, ba sweli ku kondisa. Bana ni mikopano yemituna, yemituna. Ba eza likiti ka nako iliñwi.” Kono ha Ni zibi haiba hakuna ne ba alimuñwi fela. Hani zibi haiba hakuna nto ye shutana.

109 Lu fumana kuli, luna ni baba sikuluhezi kwa puluso baba kuma fa seti sauzande mwa lisunda ze silezi, mi lisunda ze silezi kasamulaho haluna nihaiba alimuñwi. Kuna ni se si fosahalile fokuñwi. Yeo ki niti. Mi kaufela ki ze ebelelisa, ku ipeya zona. Lifasi, ku ya ka televishini, ka wayalesi, ka maswaniso, ni zeñwi zani, u sinyize naha ye ka kubola kwa Hollywood. Yeo ki niti. Lika kaufela li bata kuba mwa butali bobutuna. Kana yeo ha ki niti nji? Muziba kuli yeo ki niti. Ha lu sa na bulapeli bwa mufuta kaufela bo ne lunani lilimo za kwa mulaho. Kakuli se li wiselizwe fafasi. Lu ka fita ku zona, fa nako nyana fela, mu ka bona.

110 Kiñi, ha ki siswaniso kwa bunde ni seo, kamba siswaniso se si ipitezi, Ni bulele. Mi ki ha kutaha Jehoshafati yoo, ali, “Eeni, Na ba bona kaufela. Bona, mañi ni mañi, una ni madigiri a hae,” ni seo kaufela nesili sona. “Kaufela bona bana ni kuba bapolofita, kamba bakutazi babatuna. Ba zwa mwa likoleji zetuna. Mi kaufela bona ki bao. Ba zwile mwa sikolo se situna sa bapolofita, ni lika zeñwi kaufela. Kaufela bona ba mwa pilu iliñwi. Yeo ki niti. Kono kikuli hakuna ne ba alimuñwi fela?”

111 “Kihande, u ka tokwela ñi yomuñwi hape, kanto baba mianda yemine bafile tumelelo yabona ka nako iliñwi?”

112 Kono muuna yani, mwahala pilu ya hae, nana ni Mulimu. Mi a ziba kuli nekuna ni se si fosahalile ka zona. Eeni, sha. Na ziba kuli nekuna ni se si bolile. Kiñi? Ha lu boneni ni mife. . . Mañolo ha buleli ka zona, kono ki se se se Ni fumana. Ni ziba kuli—kuli Jehoshafati na zibile muipi yani kwani, Akabe, kuli na si ka luka ni Mulimu. Mi Elia na polofitile Linzwi la Mulimu ku yena. Mi kana Mulimu na ka fuyola cwani Sa kutile? Amen.

113 Ni bulela nto yeswana kacenu, mulikani. Mi Keleke ya Mulimu yapila, ye yemi ka ku sepahala ku Mulimu, i ka bulela nto yeswana. Ha mu koni kuzwakanisa oli ni mezi hamoho ni kulibiza kuli ki puluso. Ha mu koni. Una ni ku kauhana kwateni, muzwale. Sesiñwi sina ni ku ezahala. Haiba kuna ni sepo kaufela ye siyezi, lu lukela kueza nto yeñwi, ni kueza kapili; kakuli, hola ya Kungelwa i fakaufi.

114 Lika za ezahala, lika kaufela, mi keleke i kwahule hahulu luli. Ba balile mifuta kaufela ya mitende, libuka, makande, ni lika kaufela. Na kona kuya kacenu kwa. . . Na kona kuya kwa keleke, mi Na kona kubulela kuli, “Oh, ki ba bakai baba ziba. . .” Ba ziba pina kaufela, kasamulaho wa yeñwi ya lincafazo zetuna zee. “Cwale, ki—ki likepe mañi la fo kuna ni pina ya kuli-kuli?” Ba i ziba. Ba ziba yo ali yena. Ba ziba ya matela kuba Mueteleli wa naha, ni kuli ki mañi ya bata kukena *kuse*, ni kuli kiba bakai babapali ba mafilimu ba banyezi, *se ni sani*, ni *sisiñwi*. Kono, Linzwi la Mulimu, hakuna se ba ziba ka lona. Ki fo he cwale. Kacwalo lu sweli kufa za bona- . . . Mi, ibo, baipapata kuba Bakreste.

115 Mi sicaba ha si nyaziwi. Ki kwa mulaho wa katala, ko lizwelela. Luli. Lizwelela kwa mulaho wa katala. Ba ba luta mifuta kaufela ya miopelero, ni mifuta kaufela ya *se ni sani*, ni likopano, ni mwa ku ezeza likwata za ba banca, ni lika kaufela ze cwalo. Ha ni zibi haiba li lifilwe. Hakuna se ni nyaza ka sona, kono Na komoka haiba sani kona sa bata Mulimu.

116 Mi, Jesu naize, “Kwanda kuli mutu a pepwe ka mezi ni ka Moya, haana ku kena mwa Mubuso. Ya ka ni lat- . . . ya ka Ni latelela, a i tobohe, ni minyaka ya lifasi kaufela, ange sifapano sa hae, mi a Ni siyale mwa mulaho.” *Sifapano* ki sisupo sa “lifu, manyando.” “Ya kaba Mukreste, ha i kambuse kwa mihupulo ya hae. A i kambuse kwa misebezi ya hae. A i kambuse kwa lika kaufela, a i kane, mi a lwale sifapano sa kuipa sani, ni ku Ni taha mwa mulaho zazi ni zazi. Ya ka Ni taha mwa mulaho, ha eze cwalo.” Kona sa na bulezi Jesu.

117 Kono, kacenu, lu bulela kuli, “Mañi ni mañi una ni nako yende. Mañi ni mañi na kambela mazoho. Mañi ni mañi a huwe kuli, ‘Haleluya!’ Mañi ni mañi a eze *se*.” Oh, mo lu bezi ni sikwata sa likañi! Amen. Mulimu. . . Lu ikungela lipina zenca ze ni ku li opela kapili, kuli ku bonahala inge lu ka matela mwa limota ni zona, kamba nto yeñwi ye cwalo.

118 Mi, Ni nahana kuli, hane luka opela *Nibe, Fakaufi Ni Wena, Mulimu Wa Ka*, ikona kub ahande luli kwa Keleke; lipina za mufuta wa kale.

119 Kuba ni batu babañata ba ba bina, mushimani yomuñwi mwa sikwata sa babini kwanu inza liza lilimba, maabani busihu, mi busihu boo kacenu fa baba bapalela mwa keleke ya Mulimu yapila? Ki maswabisa fa pila Mulimu. Mutuhele kuli muuna yani a nyakisiswe, pili, mi mutuhele abeye miselo, ye swanela ba ba bakile, kubonisa kuli u lukile hande ni Mulimu.

120 Ba tisa lifasi la lipina za jazz kwa katala. Batisa Hollywood, mukutalezo wa buipiteli, kwa katala.

121 Kiñi, ha Ni si ka ina mwa muleneñi wa mina o munde, lisunda nyana kwa mulaho, mwa Louisville, Kentucky? Pilu yaka ya lobeha, kaufela ha ne bainzi fani, inge ba itakaleza kubona limakazo za Mulimu; mi u sa kutaza fela Evangeli, ba to tala, mwa muzuzunyana, mi ba fulalela mikokoto ya bona ni kuzwa mwa muyaho. Kiniti. Ha ba Li tabeli. Lipilu zabona li tatafezi. Ba zwela fande; mi buñata bwa bona, Baipanguli, ni bona, ba baya kwa likeleke za Baipanguli. Kono ba se batezi. . . bakusi hahulu bunde ni lika kaufela ze cwalo, za busafa ni buino bwa keleke feela, kufitela ba tokwa kuziba sika ka Moya wa Mulimu yapila. “Kuba ni mubonahalelo wa bumulimu, mi ba latula Mata ateni.”

Ha ki lizazi ni leo mo lupila. Mu talime fo se li tile.

122 Jehoshafati ali, “Na ziba, Akabe. Ki bao bakutazi ba hao baba mianda yemine. Kaufela bona ki balikani baba bonahala



hande, mañi ni mañi wa bona ba kabile ni milili ya bona i kamunilwe hande, ni lika kaufela, kamba bakona kuba cwani kaufela. Bakona kuba ni ma D.D. abona. Bakona kuba ni mifuta kaufela ya madigiri abona. Bakona kuziba Mañolo, kuzwa kwa A kuisa Z. Kono kana hamuna yomuñwi hape, kokuñwi? Kana hakuna nihaiba alimuñwi fela, kokuñwi?"

<sup>123</sup> Ki hali, "Eeni, uteni alimuñwi, kono Ni mu toile." Ki fo he cwale. K fo he cwale. "Ni mu toile." Muhupule, Akabe neli muuna wa bulapeli, ni bona ba neli baluti ba bulapeli, kono ne ba mu toile muuna yo yana nani Niti. Ali, "Ni mu toile." Ali, "Yena kamita wa ni omanyanga mwa konela kaufela." Kana na ka palelwa cwani kueza sani, kanti Linzwi la Mulimu ne li mu nyazize kale?

<sup>124</sup> U kona cwani kukuza haiba u muuna wa Mulimu, kamba musali wa Mulimu, mi wa ziba ni kubona sibi ni lika, ze kubukani ni bukiti bobutuna, ni lika zeñwi kayfela ze cwalo; ni kubona mioyo ya batu iya kwa lihele; ma milioni ka zazi; ni kuyema ukuzize? Ha ukoni kueza cwalo.

Yomuñwi naize kuna zazi leliñwi, ali, "U nahana kuli wakona ku lituhelisa zeo?"

<sup>125</sup> Se nili, "Batili. Hani koni ku lituhelisa, kakuli Mulimu ubulezi ona cwalo. Kono zazi leliñwi, fa Museto wa Katulo, ba ka hoha ponahazo yetuna, ku to monyeha fa kamera ya kwani, mi tepu yani ika yo liziwa. Mi Ni ka yo yema ni ku i teezeza; Ni bata ku yo utwa linzwi la ka inge li omana ka zona. Mulimu uka ni atula linzwi la ka ha li lwanisa." Eeni, sha. Ha lu bona bupilo boo, lusika lo, lu yo ketiwa sinca hape kwani kwa katulo. Kiniti. Lu pila mwa nako ye sabisa. Mi ki zeo foo.

Mi lwa mu bona ha eza . . . na ize, "Kana ha ku na nihaiba alimuñwi fela?"

<sup>126</sup> Ki hali, "Eeni, kono Ni mu toile, kakuli yena kamita u ni polofitelanga ze maswe."

<sup>127</sup> Ukona kutuhela cwani ku kutaza lika zani katata, kanti wa libona inge liezahala cwalo? Mwabona Akabe inza pila sina mwa na inezi ni kueza sina mwa na ezeza, ni kutisa sicaba sina mo ba inezi.

<sup>128</sup> Kana muuna wa Mulimu ukona cwani, kamba musali wa Mulimu, a sike a huwa ni ku kalimela sibi kwa maneku kaufela? Kanti, ba bona bakutazi baba enya ba, ni baba tabela minyaka, ni baluti, ni zeñwi ze cwalo, kwande ba tuhelela batu kuya kwa lihele, ka palo ye eza bo lule lule, mwa kupumiwa; buñata bwa baba . . . neba mwa sicaba sa ba za kukena. Hani buleli hahulu ka ba Methodist ni ba Baptist, ni lika ze cwalo; bana ni zona, nibona. Kono liteni mwahala litulo za mina.

<sup>129</sup> Mawi, kutaha kwa katala, sina lika zeñwi kaufela kwanda Bakreste, kupila sina lika zeñwi kaufela, mwahala linaha ni

lika zeñwi, konakuli ba li biza kuli “bulapeli.” Ki bulapeli, konobu kwahule hahulu kwa kuba piliso ya Mulena. Yeo ki niti. Ba beile fela sicaba mwa sikwata se si tuna sa baikankabeki. Mi buikankabeki ha se bu felile, cwale, taba yapili mwa ziba, ha mu sa fumana neba alimuñwi wa bona; keleke ya li kuina mukungulu. Muzwale, haiba mutu ulata Mulimu, u ka fumanehanga fa sipula sa hae mwa keleke, nako kaufela. Hakoni kuitulela kusili. Yeo ki niti.

<sup>130</sup> Cwale mulemuhe, ka mizuzu fela yelikani. Ni ka lika kuakufa, ni fite fela fa taba yateni luli cwale, kakuli nako yaka i ya ifela.

Mulemuhe, mi ki hali, “Kana hakuna usili hape?”

<sup>131</sup> Ki hali, “Eeni, kono Ni mu toile. Yena kamita u ni polofitelanga bumaswe. U bulelanga lika ze maswe ka na.”

“Ku lukile,” ali, “zamaya u yo munga.”

Ki hali, “Libizo la hae ki Mikaya.”

<sup>132</sup> Kono muuna yo nana ni bulapeli bo butuna kuli azibe kuli balikani ba ne ba si ka luka.

<sup>133</sup> Mi mutu kaufela yakile a swaliwa fateni, ka bunyinyani, ka Moya wa Mulimu, uziba kuli lika ze, ze bizwa kuli Bukreste kacenu, ha li si ka luka. “Hamukoni kulata lifasi, kamba lika za lifasi. Haiba mueza cwalo, lilato la Mulimu haliyo ku mina.” Bibeles ibulezi ona cwalo.

Cwale amutalime. Ki hali, “Zamaya u yo munga.” Mi ba silela mwabuse.

<sup>134</sup> Mi ki ha luma mulumiwa yomunyinyani wa kale, yena dikoni wa keleke, mwendi, kamba mutu yomuñwi fela, aya kwani mi ali, “Cwale talima, Mikaya, lu ka kutisa kwanu fapila Akabe ni Jehoshafati. Cwale, bubeli bwa bona bateni kwani, mi ki baana babatuna cwale. Ki baluti ki ba ituti. Mi bana ni madigiri a bona, ni zeñwi cwalo. Mi mañi ni mañi wa bakutazi ba luna, yeñwi ni yeñwi ya likeleke kwanu, i mwa tumelelano hande kuli ye kona tato ya Mulena. Cwale, u bulele lika ze swana sina bona, mi Na ku bulelela, u ka apala hande ni ku zamaelanga mwa mota ya Cadillac. Na ku bulelela, u kaba fela muika yomutuna haiba u ka eza cwalo. Eeni, sha. U ka fuma.”

<sup>135</sup> Mikaya ali, “Ka Mulena Mulimu ya pila, Ni ka bulela fela sa ka bulela Mulimu.” Amen. Ehe. Oh, kuna ni muuna ya tokomela za pilu yaka. “Na kona kuca sinkwa ni kunwa mezi,” za na ezize, “ka kueza cwalo.” Wa kona ku bakulwa fa lilama le ni leliñwi, kaufela seo sili sona, kono na bulezi Niti ni kuyema ka yona. Mulimu na li pakile kuba Niti. Na si ya zibahala hahulu, kono na ziba Mulimu.

<sup>136</sup> Atisa Mikaya yomunyinyani kwani. Ki hali, “Ku lukile, Mikaya, u bulela sikamañi ka sona?”

<sup>137</sup> Ki hali, “Zamaya ukambame. Kambama u zamaye.” Ali, “Zamaya zwelapili, ka kozo. Zwelapili cwalo, ku konde kuwena, seo kona se Ni bata kuli u eze. Kono Ni boni Isilaele inge lingu, ze sina mulisana, fa lilundu, li hasani. Kona cwalo,” a bulela.

<sup>138</sup> Mi ha na ezize cwalo; mi Akabe a fetuhela ku Jehoshafati, ali, “Ki sikamañi se Ni ku bulelezi? Mupikuluhi ya kenile yani . . .” kamba, sikamañi, mu ni swalele, kamba, kaufela seo sili sona; mutangana yani ki hali, “Haiba . . .Kiñi se ne Ni kubulelezi? Mucaha yo yena u ni polofitelanga fela bumaswe—bumaswe ku na. Ne Ni ku bulela sikamañi? ‘Na ka nyaza fela keleke ya luna, ni kunyaza bakutazi ba luna, ni kunyaza nzila ya bulapeli bwa luna.’ Ki sikamañi sene Ni ku bulelezi? Na ka si bulela. Na mu ziba. Ne ni ziba ndatahe sapili hae.” Amen. “Ne ni ziba ndatahe fapila hae.” Uh-huh, eeni, sha, muuna wa luli wa Mulimu. Ali, “Ne ni ziba kuli na ka bulela cwalo.”

<sup>139</sup> Mi kacwalo ki hali, “Eeni,” ali, “Ni boni Isilaele sina lingu, ze hasani, kusina mulisana, fa lilundu.” Mi kacwalo ki hali, “Na ha- . . .”

<sup>140</sup> Mi cwale alimuñwi wa batu bani yana nani manaka amatuna, na ka kasheza kwahule. Mukutazi ataha ku to hoha hoha Mikaya yomusisani, ni ku mu bakula fa mulomo katata mwa na konela, ali, “Ki nzila ifi yeo Moya wa Mulimu no ile ha U zwile ku na? Haiba wa ziba.”

<sup>141</sup> Ali, ki hali, “Libelela kufitela u ka kena mwa tolongo ye kwanu, mi uka ziba ko U ile moya.” Yeo ki niti.

<sup>142</sup> Mulibelele kufitela Russia itomiwa fa, i ka hapa linaha ni lika ze cwalo, ni naha ye, bakeñisa kuwa kwa yona, mi mu ka bona se si lukile ni se si fosahalile. Yeo ki niti. Mu ka bona kamba bulapeli bwa mina bo bu enya fela bu ka tusa, kamba nee.

<sup>143</sup> Naha ye ilukela kububa mioko, isiñi kutala lisheha ni lipapali. Naha ye haitahe fa mañwele a yona, ka kubaka. Zeo kona ze lutokwa. Ha ki ancafazo ya kuba ni batu ba bañata mwa keleke. Lu swanela kukwala mipanda kaufela ya manwelo a bucwala, kutuhelisa kuzuba makwai kaufela, kuwisaka miyaho kaufela ye panga lika zeo. Lukalise mukopano wa luli, wa mufuta wa kale, wa Moya o Kenile; koo baana ni basali, musihali ni busihu, inge ba lobezi kuwa ka lipata, inge ba lila. Ni ka mi bulelele, ikaba silelezo yetuna hahulu yeo naha ye ikile yaba ni yona. Yeo ki niti.

<sup>144</sup> Mutuhele kuli ba Branham Tabernacle batuhele bukuba bwa bona. I kutele kwanu kwa aletare ni kuba hande ni Mulimu. Mupile hande ni bo muyahile mabapa ni bona, ni babañwi ba ba cwalo, ni kuba hande ni Mulimu. Hamuna kuba ni likañi ni zekana ze ezahala cwalo; ikaba sibaka se si hoha lifasi. Yani ki niti. Cwale, yeo ki niti.

<sup>145</sup> Mi ki hali, “Ki nzila ifi yeo Moya wa Mulimu no zwile ku na ka yona?”

146 Mi Mikaya ali, “Ni boni Mulimu, ni mpi ya Hae, katengo ka Hae, bainzi mwa Kanya.”

147 Mwa ziba, Mulimu wa banga ni katengo kulo Kwani, fa ni fa. Yena, Utisanga Li—Li sikwata sa Libupiwa za Mangeloi ni kuba katengo ka—ka kao, fa ni fa kwani kwa Lihalimu.

148 Mi ki hali, “Ni Mu boni a inzi fa Lubona, mi sicaba kaufela ne si yemi kwa lizoho la silyo ni lizoho la nzohoto la Hae.” Mi ali, “Ne ba sweli kuambola, ‘Ki mañi ye luka luma kuli ayo puma Akabe, kuli amutise kwanu ku to taleleza bupolofita bwa Elia? Mulimu u bulezi kale cwalo, ki sikamañi se si ka ezahala, kacwalo lu ka bona fela ba ka shetumuka.’

149 “Mi moya o puma wa zwa mwatasi,” eeni sha, kuzwa mwa lihele, “wa taha fapila Mulimu mi wali, ‘Ni ka shetumuka, mi Ni ka kena mwa bakutazi bani ni kuba eza kuli kaufela ba polofite buhata.’” Oh, kana sani ne si ba sabisize. Kana sani ne si ba utwisize maikuto asili, fani, “Hane baize, ‘Ni ka shetumuka ni ku yo eza bakutazi bani, mañi ni mañi wa bona, kuli ba polofite buhata.’” Mi ki ha ya ku yo kena mwa bakutazi bani, mi ba kala kupolofita buhata.

150 Mi, muzwale, yena Mulimu ya swana yani u busa Lubona lo lu swana kacenu. Mi ona moya o puma o swana wani u ezize taba yeswana kacenu, ku polofita buhata.

151 Ba zwelapili kubulela kuli, “Kozo, kozo, kozo,” kasamulaho wa Ndwa Yapili ya Lifasi.

152 Ha lu boneñi ni mi bonise ko izwelezi. Mwa Ndwa ya Pili ya Lifasi, fani France, kulo kwani, na keluhile kuzwa ku Mulimu, mwa mikwa ya Kalombe myaha ya ma Nainte, ni kukala . . .

153 Cwale Ni ka swala hanyinyani fa buiswalo, kacwalo kaufela mina muine fela ka kukuza fa mizuzu yelikani.

154 Mutalime, kwa mulaho kwani, kwa simuluho, kwani kwa France, kwani kona ko kulezi zemaswe ni ze busafa mo ne li kalezi. Haiba ku kile kwaba fateni musima wa peba ka busafa mwa lifasi, ki Paris, France. Mi Ni zamaile bukaufi ni kuzamaya misipili yemitelele, mi sani kona sibaka se si maswe hahulu ku ze Ni kile nabona fateni. Mi London, England ni yona ha lu i libali ku zeo. Mi United States itaha mwa sikuka se si swana sa zona. Yeo ki niti. Ki bani fani.

155 Nako kaufela ha mu lyanganisa buino bwa busali sakata, mu loba moongola wa naha.

156 Ki fo he cwale, mwa linaha za bona, ni kubulela kuli u mulumiwa, ha ba tabeli . . . Muli, “Ki sikamañi so ka lu bulelela kueza, mwa kuopela lipina za masila ka basali ba luna, kamba ka basizana ba luna? Mu ka lu bulelela mwa ku lukululela basali ba luna? Ku lu luta mwa ku nwela macwala ni kuya ka mo lu ezeza?” Zeo kona se luli zona.

157 Lu ipiza kuli ki naha ya bulapeli, yona naha ya Bukreste. Kihande, bani “mahedeni” mwa Africa bakona ku lu luta buiswalo, mwa ku pilela. Sibaka se si bolile hahulu, mwa United States, kamba, lifasi, mane, kona naha ye, mo ibezi. Ni mu American, ki niti. Kono, muzwale, Hani koni kuikambusa, kanti kuzwa ku Akabe kamba Jehoshafati. . . Mi Ni lukela ku mi bulelela sa bulela Mulimu kuli kona Niti. Sani kona se i tokwa kuyemela keleke, kacenu. Haiba litaha mwahala naha ni Mulimu, ki Mulimu, kamita. Eeni, sha.

158 Mulemuhe, mwa France, ne ba kalile ze bolile za bona kaufela, ni kuzwelapili ka nzila yene ba pila kwani. Mi cwale Mulimu a luma Germany ku bona, ku ba shapa hanyinyani. Mi ki ha luya kwani ku yo pilisa matalo a bona. Mi lu sa eza fela cwalo, ni kuwina ndwa, ku luma ma German kwa kwateni, kuba ni kozo ni France, kana ne ba ti lo sikuluhela ku Mulimu? Batili, sha. Basali, veine, butanya, sibi ni linyawe la busafa bo bu fitelezi.

159 Mi ki sikamañi se ne ba ezize? Ki sikamañi sene si ezahalile? Fa kona fa na kalezi. Diabulosi na tomile nkambe ya hae fani. Kwani kona kwa na kalezi, ona kwani, ku zwafisa lifasi, kuzwa kwa Paris, France.

160 Mi, haba mu lemuha, na si ka kena mwani ka bulumiwa, kacwalo taba yana ezize ne li kutaha ka Hollywood kwanu. A toma yebizwa Holl-. . . A toma nkambe ya hae kwanu mwa Hollywood. Diabulosi na liteni kwa mulaho kwanu, lilimo nyana ze fitile, lilimo ze lishumi ka zeketalizoho kamba mashumi amabeli kwa mulaho, ni mpi ya hae yetuna, ni kuya, ku yo nata mwa Hollywood, California. Mi u hapile United States ni mata a hae a madimona. Kiniti. Mikwa ya luna mitenelo kaufela i zwelela kwa Paris. Ba li fumana mwa Hollywood, litaha ka maswaniso a mazimumwangala. Basizana nyana ba ni bashimani, ni lika zeñwi, ba tahanga kwanu, ba buhanga maswaniso a papala fa ma sikrini.

161 Banana babande babanyinyani, mitangana yeminde, hakuna ze ni nyaza ka bona. Mulimu afuyole lipilu za bona ze nyinyani. Pilu yaka ya li pazuha bakeñisa bona.

162 Mi ona mwa muleneñi mo, Ne ni sweli kuambola ni. . . alimuñwi wa. . . mushimani waka, zazi leliñwi. Ki hali, “Tate, kambe nekuna ni fela bashimani kwani, mwa tolopo, ba ba bana ni Moya o Kenile,” ni zeñwi cwalo. Mwa komoka kuli kiñi ha ne Ni ya kwa Denver, Colorado, kamba kokuñwi ona cwalo? Kuisa banake kokuñwi ko kuna ni sikwata sa batu baba lilela ku Mulimu; se lutokwa, muzwale.

163 Siemba sa se, naha ye, muleneñi wo, sibaka se, se si bile hahulu mwatasa buiswalo kufitela iba bumaswe. Kambe Ne ni ka bulela fela ona fa ze Ni ziba hande kuba niti ona fa, mane ha li koni kuswanela kubulelwa fapila sicaba se si kopani kopani.

Kamba, ona mwa muleneñi wo kwanu; isiñi fela kwanu, kono libaka zeñwi, kai ni kai, likalile kuba fela ka bunolo . . .

<sup>164</sup> Kakuli kiñi? Sicaba . . . Mutalime, balikani, se si fitile hahulu fa butali fela. Se li bile fela ka bunolo kuli, za ku totobeza fela mwatasi. Diabulosi na banga mwa mafasho. Hakulata ha si ka zwa mwa ma fasho, kono ha si ka zwa mwa musebezi, Ni ka mi bulelela cwalo. U sa li mwa musebezi.

<sup>165</sup> Mutalime, kacenu. Lunge, inge mo Ni sa zo bulelela fa nako nyana yefitile, ka za kalibe yomunyinyani, musizana nyana ni palisa. Ka mutala, palisa, ki yende; i lukela ku talimwa, yeo ki niti. Mi zeo liswana fela sina keleke, ibezi teñi kuli i talimiwe. Inge musali yomunyinyani fela yomunde, u bezi teñi kuli atalimiwe. Yeo ki niti. Kono haiba musali . . . Ki yomunde, fo kikuli, u cwalo ku muuna hae, u—u iketile. Kono haiba haana mukwale o comohile wa muikutekelo o mu sileleza cwalo, uba ya na ni mulatu kwa nyangela ni kwa batu; ukaba ya totobezi hahulu ni wa libubo lelimaswe kufitela neba linja lipalelwa ku mu talima. Yeo ki niti.

<sup>166</sup> Mi ki nto yeswana ni kwa Keleke ya Mulimu yapila. Ba taha kwanu ni kulika ku ikankabeka ni kuipeya mwa lika, ni kueza ze cwalo . . . Ba tubulanga basali ba bona mo, ona cwalo . . . mi sicaba ha si lemuhi kuli mioya ye maswe ye ika hapa mandu a mina.

<sup>167</sup> Ona mwa silalanda sa ka zazi leliñwi, kalibe yomunyinyani yo Ni nahana kuli ki musali yomunde . . . Mi yena ki musali ya nyezwi, una ni mwana. Mi musali nyana yani azwela kwande kwani. Ki m- . . . muuna cwana ataha ka nzila yani kwa musebezi, mi kalibe nyana yo azwela kwani ni liapalo ze kama, na bonahala bumaswe.

<sup>168</sup> Wo ki mubulelelo wa Me ya maswe. Kono, muzwale waka, mutuhele ni mi bulelele nto yeñwi. Me, a kutele kwa kuba me hape!

<sup>169</sup> Neba mushimani yomunyinyani yana lu potelanga fa musebezi, ataha ku to lu bulelela ka zona, “A mutalime fani.”

Se nili, “Kihande, sani ha ki sesiñwi.”

<sup>170</sup> Musali ki musali yomunde. Ha ni buleli kuli u tokwile sepo. Kono, taba yateni kikuli, kuna litanya, moya o masila ku yena, o mu ezisa cwalo, mi ha zibi cwalo.

<sup>171</sup> Ki sikamañi sa na ka bata me, kamba mutu kaufela, ya ka apala liapalo za kale za masila cwalo, ni ku i kotelola fapila baana? Wena u yomunde, kezeli. Wena u yomunde, me tuwe. Na itumela ku Mulimu ka wena. Kono, wena u yomunde, kono haiba hauna Moya o Kenile mwani kuli u bukeleze mikwa yani, ne i kaba hande kuba fela se si maswe kusina mutu ya ikumbuta wena, mi no ka yo kena Lihalimu. Yeo ki niti. Yeo ki niti. Mutalime se mueza; buiswalo bwani.

172 Cwale, seo sili sona, diabulosi utile mwateni mi u bulelezi sicaba lika ze. U keni mwa bakutazi; u swana ni Hollywood. Basizana ni likalibe nyana zani, ba swana ni Hollywood. Lika zende ze banani mwa naha kacenu, litaba za buiswalo ze mukona ku utwa, ze bulelwa; fa liwayalesi kaufela.

173 Musali yomuñwi wa kale sina Ma Kay Starr, hakuna ze maswe ka yena; kono kubona musali muhulu, wa myaha ye mashumi aketalizoho, ni zeo kaufela, liapalo za hae za li ku kakatela fa mubili, inge wa ku sululela fela mwa saka ya bupi. Ha ni buleli cwalo ka lisheha, kakuli Ni bulela ka kulwanisa lika zeo. Kono musali aeza cwalo, ni kuyema ni kuba mutala kwa basali ba ma American, ki kalimelo kwa naha ya luna. Ki diabulosi.

174 Micaha sina Arthur Godfrey ni babañwi ba ba mata mata kwanu, ni kueza lika ze basweli kueza, mi baana baba zibahala hahulu mwa naha sina cwalo, mi, kiñi, ki maswabisa.

175 Haleluya! Mubulele cwalo kakuli Ni ikutwa kuli Moya o Kenile uteni fa. Tasezo i keni, isweli fela ku fiyela ndu ni ndu, kuzwa sibaka se kutaha sibaka se, kuzwa keleke ye kutaha keleke ye, kuzwa ku mutu yo kutaha ku mutu yo.

176 Bana, ka Libizo la Jesu Kreste, ba hula ka mayemo a buiswalo bwa ancafazo ni Mulena Jesu Kreste, ni kubulela kuli, “Ni ka ya ka nzila ni babanyinyani ba ba kendilwe ba Mulena.” Eeni, sha. “Ni ka ba me wa niti.” “Ni ka ba ndate wa luli.”

Fo lifasi kaufela, ni libaka zeñwi kaufela,  
libaka kaufela mwa moyo waka li zwa mwa  
nzila,  
Kipeto Yena uba sepo yaka ni kupila kwaka.  
Kakuli ku Kreste, yena Licwe lelitile, ki fo Ni  
yemi;  
Libaka zeñwi kaufela ki lishabati,  
Libaka zeñwi kaufela . . .

177 Ki sikamañi se si tisize lika ze kaufela? Ki sikamañi se si tisize bakutazi kueza cwana? Ki sikamañi se si tisa kuli bakutazi ku polofite buhata bo kwa sicaba?

178 Ki kabakalañi hane kubile cwalo, lilimo za kwa mulaho, kuli mina sicaba sa Methodist . . . Fani John Smith wa kale hana ngilwe kwa katala ka hae, ku to kutaza Evangeli, mi akutaza kutazo yekuswani ya liholo zene. Mi ki hali, “Butata bwateni ki kuli, pilu yaka ya ikaba.” Ki hali, “Bana ba basizana ba Methodist mane ba tinanga masale kwa minwana.”

179 Mi, kacenu, ba apala tuputula ni liapalo za masila za kale. Mi ba kaba fela mapunu punu, mwa lilimo ze ketalizoho zeñwi, haiba se siñwi ha si ezahali. Ki sikamañi se si ezahalile ku mina bakutazi ba Methodist, mina ma Campbellite, mina ba

Baptist? Eeni, sha. Ki diabulosi, ya kashelize mata a hae fafasi, mi unepezi mioya ya hae kwanu.

<sup>180</sup> Mi ha mu lemuhi cwalo, mwa zuba kwai, mina basali, ni kueza mo mu ezeza kwande kwani, ni kunwa ni kuzwelapili ona cwalo mo mu ezeza. Ha u lemuhi kuli u sinya mulao mubili wa hao mwa hali, ni ku sinya masika kaufela aka ku latelela, haiba kuna ni sika se si cwalo. Eite-faifi pesenti yetuna ya kuba ni kansa, ka kuzuba makwai, mi uka kena fela kuzona ka bomu. Mane ni keleke ya li lumeleza.

<sup>181</sup> Mwa keleke yetuna ya Baptist, ona kwanu, cwanoñu nyana. . . Ni sweli kunata ba Baptist. Nina ni tukelo ya kueza cwalo; ba yendamezi kwa neku le Ni zwile. Kono hane ba na ni kuyemisa lisebelezo za sikolo sa la Sunda ni sebelezo ya kukutaza, ili kuli mulisana ni babañwi ne ba zwele fande ba yo zuba, mi mikwakwa ne i tezi ya baana ni basali baba izubela makwai. Ki diabulosi ya ezize zeo. Yeo ki niti.

<sup>182</sup> Mi, mo mwa muleneñi wa luna, alimuñwi wa bakutazi ba luna baba ipitezi hahulu, ona kwanu kwa New Albany, kwa sibaka sa lipapali se, kuli alimuñwi wa bakutazi baluna ya cuukile luli mwa muleneñi ki yena ya na zamaisa tukiso ya sikwata sa babini, kutisa baana ni basali fa katala.

<sup>183</sup> Hakuna taba kamba lifasi libulela sikamañi, Hanina taba mo ka likela kuhapeleza; muzwale, hakuna muuna wa mali amafubelu ya ka sutelela ku musala mutu, ni ku ikutwa ali ya swana. Mwa ziba kuli yeo ki niti.

<sup>184</sup> Bangile basali ba luna, ni ku ba tubula; kwande kwani mwa liofisi, ni kuzamaisa limota, ni ku ikasanela kwa ni kwa mwa mukwakwa. Kanti, ba lukela ku fumaneha fa mandu, kwa mulaho wa sitofu, inge ba tateha, ni kutateha lico za manzibwana.

<sup>185</sup> Ki sikamañi seo? Ki diabulosi. Tasezo i keni. Hakuna se ni bulela ka mutu *yo* kamba mutu *yani*. Ni bulela kuli ki mioya ye masila ye sweli kutaseza sicaba, ku ba zamaisa mwahala zona. Tasezo ya United States.

<sup>186</sup> Kusinyeha kwa keleke. Keleke i hatelelwa ki diabulosi. Kwa mulaho kwani. . .

<sup>187</sup> Ba nga mushimani cwale, ha taha mwa mukopano wa za bulapeli, taba yapili ya lukela kuituta ki kuba ni ma digiri a hae. Una ni ku amuhela lituto za minahano. Una ni kunga lituto za bulapeli. Una ni kuluta, kunga lika za mifuta kaufela ye nokelwa ku yena ka kulutiwa. Haiba hana tuto ya niti, haiba ha ki ya talifile ni ya na ni zibo ka mwa swanela kubela, kipeto ba ka mu lelekela kwande; haana ku pasa. U ka eza sikamañi? Kuzwela kwande ni kubulela manzwi nyana a za naha, ka mo kubona kubela, mubulelelo wa keleke ka buibo bwa litaba za naha, kwa sikwata sa batu, sikwata sa baana baba shwa ni basali.



188 O Mulimu, lu lumele baana ba mikwa ya ikale, baana baba fumaneha kai ni kai baba sa zibi A kwa B, ba baziba mata a zuho ya Mulena Jesu Kreste, baba ka kutaza kubaka, ni kuluma baana ni basali kwa katala, kuli ba late Mulena Jesu. [Hakuna manzwi fa tepu—Mu.]

189 Ki sikoloti. U taselize likolo za baituti ba za bulapeli. U taselize likeleke. U tubuzi bahame ba luna. U kenyeze bahandate baluna mwa sibaka se mu sa koni kubulela sika. Mi baana ni basali, Na sepa. . .

190 Mu li, “Kihande, basali.” Eeni, ni mina baana baba lumeleza basali ba mina kueza cwalo, seo si bonisa se mu bupilwe ku sona. Yeo luli ki niti. Kiniti. Ki maswabisa. Ki makeke.

191 Mi cwale ni ku shetumuka ku mukutazi. Mukutazi uyema fa katala, kacenu, ka za katala kakanca. Uyemi fani, ni sicaba sa hae fapila hae, ni kukutaza ka za nto yenyinyani kaufela mwa lifasi kwanda kubaka ni sibi, ni sifapahano se si buhali sa Kreste. Eeni.

192 Ha u yala niti fafasi; sicaba si ka taha ku to ku utwa, mwa sebelezo ya bulumiwa. U lika kufita fa sibaka ni kukutaza Evangeli, ni kuba ni batu ba ba baka ni kuba hande ka kuluka. Ba ka yena ni kuzwela fande, bona, “Ha ba lukeli ku utwa Zeo.” Batili, ha ba cwalo. Kono, mizwale, ba lukela kubaka kamba ba bashwa.

193 Madimona! Muya kwa sikolo; akeni mwa likolo. Mutalime kwa ni kwa, mwahala naha kacenu. Mutalime kwanu, mina sicaba, mina Baipanguli. Mutalime, kuna ni likolo zene zetuna za Katolika ni lika zeñwi, ze yahilwe kacenu. Kiñi hakuli cwalo? U wiselize miambeso fafasi.

194 Hakuna se ni nyaza Bukatolika, ni ha Ni sa lumeli ku zona. Ni Muipanguli ya kwanile hande. Yeo luli ki niti. Bakona kupaka kuli habana. . . Ha ukoni ku kanana ni bona. Ba li, “Haluna taba ka se ibulela Bibe. Lwa ziba se ibulela keleke.”

195 Mulimu umwa Linzwi la Hae. Se kona mo kuinzi Mulimu.

196 Kono babañwi ba Katolika, ba kumalela kwa keleke ya bona, ba ka ku swabisa ili, kakuba Baipanguli. Kambe ne mu ka kumalela fela kwa Bibe, sina mo ba kumalela kwa keleke ya bona. Kiniti. Kono, ba fosa. Ni kona kubulela cwalo mwatasa puso ya Mulimu Yamata kaufela, kuli, ba fosa. Kiniti.

197 Mi mina Baipanguli mwa fosa, mo mu ezeza lika, kakuli mwa ziba hande, mi mwa li eza. Seo si ku eza kuba muipi. Luli, ki tasezo; likeleke za tuhelela. Mi cwale kufita kuli. . .

198 Keleke, ili kulika kueza keleke kuba yende, kuyaha keleke yetuna nyana, kubeya situwa se si shenhile fahalimu, ni liñwañwa zetuna, ni kueza lika kaufela kulika ku likanyisa inge keleke ya Katolika. Ha mu lukeli ku swanisisa kwa keleke ya Katolika, haiba i sinyeha ku yonga sinyeho. Kakuli, sani kikuli

SA BULELA MULENA KISONA, u shwile kuli aye kwa sinyeho. Mi musweli kuswanisisa ku yena, mu zamaelela ni yena.

<sup>199</sup> Kono se lutokwa kacenu, ha ki keleke yetuna, sibaka sesituna, ki tutala twa kale ko ku cisezwa libi, mwatasa litapelo za kuipa kuzwa kwa baana ni basali baba lata Mulena Jesu Kreste. Mwa ziba cwalo. Sani kona se lutokwa. Mu ni utwe, balikani. Mu ni utwe. Ki lilato.

<sup>200</sup> Nako yaka ifelile. Ni tabela fela kuzwelapili foo, koo, fela, Ni ka li kutela fela, kasamulaho nyana, fa tasezo yeo, ko ifitile. I taselizwe. I tselize linaha za luna. I tselize United States.

<sup>201</sup> Cwale muhupule, Nali kuba ni kenye mwateni boti mwa bupilo bwaka; mwabona, cwale, sani ha ki sika sa kuikuhumusa ka sona; zani ki liswanelo za kupepwa kwa ka kuba mu American haiba Ni bata kueza cwalo. Kono Ni nahana hahulu ka balikani baka, ka kubabeya mwani. Mutalime, Ni ba boni ha ba kena sina baana babande, ba taha sina makuluku, mi ha Ni lati zeo.

<sup>202</sup> Nina ni nto iliñwi. Ni teni kwanu ku to yahela sibaka silisiñwi Mutu alimuñwi Yena ya Swanela kuli, mi yani ki Jesu Kreste, mi Yena anosi. Ni fa nako yaka ku Yena. Yani ki niti. Mi haiba Ni kona kubeya keleke hande ka swanelo, lifasi kaufela li ka iponela lona liñi. Yeo ki niti.

<sup>203</sup> Kono haluboneñi ni mi bulelele, fani Bo. Roosevelt. . . Muuna yani u shwile. Ha pumule; Na sepa wa pumula. Ataha, ni kuba ni mibusezo yemilalu kamba yemine, ni kuhapa, neli fela mubuso wa kapelezo. Na kona ku mi bonisa, kuli mwa Mañolo, mo ne kubulezwi kuli li ka ezahalela. Yeo ki niti. Ha lu si kaba fateni ni mulao wa naha. U sinyehile ka mikwa kaufela. Lika kaufela li shandaukile. Ba Milao ki baba maswe fela. Ki baba silezi, mane ki nto yeswana fela mwa mikwa kaufela.

<sup>204</sup> Kakuli, mubuso kaufela uka lubiwa, kono Mubuso wa Jesu Kreste uka yema ni kubusa kamita. Yeo ki niti. Fahalimwa. . . Daniele na boni Licwe le li sehuluzwi kwa malundu, ni kunata fa lifasi la litaba za naha kwa mulaho kwani ni ku libeya mwa musili sina cwalo, inge buloto fa sihoto ka nako ya mbumbi. Kono Licwe lani la hula kuba lilundu lelituna le li monyeha fahalimwa lona min-. . .la tala lihahimu kaufela ni lifasi. Kona cwalo.

<sup>205</sup> Lifasi la lipolitiki lifelile. Naha ya luna i sinyehile. Muhupule cwalo, kuli Muzwale Branham ubulezi kuli, SA BULELA MULENA KISONA. Naha ya luna i sinyehile. Haina kuzuha. I icongile, sina linaha zeñwi kaufela. Ki naha yetuna hahulu mwa lifasi, ye yemi kacenu, kono ki yona peu luli ya diabulosi ye cezwi mwa lipilu za sicaba; mo li tahezi mwa Hollywood, mo ne li kenezi mwahala sicaba, ni kukala ku se. Mi hakuna se mukona ku ba bulelela.

<sup>206</sup> Mube ni Muteleli wa naha kwani ya ka lika kukwala macwala, cwale ni kuba ni kuhanisa, mwabona se si ka ezahala.

Na ka kunupiwa, mwa liholo zepeli kasamulaho a mano kena fani. Luli, hakoni ku li yemela; lifasi kaufela la mu lwanisa. Eeni, sha. Hamukoni kueza cwalo.

207 U ile. U taselizwe, mi moya wa swalisano u ngile sibaka.

208 Muye kwa likolo zaluna kacenu, mutalimele bana ba luna ba sikolo. Balikani ba luna baba nyinyani babaya kwa sikolo, mu lukela fela kuziba ze ezahala. Basizana babanyinyani kwanu mwa likolo, ni lika ze cwalo, fa lilimo ze lishumi ni zene ni ze ketalizoho, bomaa boma ba ba luma kwa likolo, ba sinyehile ka buiswalo, mwa booko, baitusisi ba zekola, baitusisi ba milyani, bazubi ba makwai, lika zeñwi kaufela ona cwalo; mwa lilimo nyana za bwananu, bana babanyinyani cwalo. Ku kona kuba tata kufumana mwananjo mwahala bona inge mo ku kona kubela tata kufumana ndonga fa libunda la bucwani, kanti bana ni silikani fa likubon ni bashimani, mi ni kuyala fa makamba a linuka ni libaka zeñwi kaufela.

209 Mi Na kona ku mi bonisa zona, balikani baka. Hani koni ku li bulela fa katala konji ha Ni ziba ze Ni bulela. Za likolo ona mo mwa—mwa lilalanda zaluna, ona mwa lilalanda zaluna mo, za bahame nyana bani mo ba tinela, hani zibi . . . ku bulelela bahame ba bona kuli ba ye kwa libaka zeshutana, ni ku kopana ni bashimani neba buhule mwa mikwakwa ya Louisville (Ki sikamañi sani?), ni kuopela mwa likwata za baopeli.

210 Kakuli, bana ni Evangeli ye bunolo nyana ye yemi fani, fo bakutazi ba yema ni kubulela ka lika za butokwa, ni makande a manyinyani a Bibebe, kamba nto yeñwi ye cwalo, kufita kukutaza kubaka ni kutisa baana ni basali kwa aletare.

211 Bondatahe ba taha busihu ni kutukisa kwai ya bona, kunwa mukope wa bucwala, ni kuina fafasi ni kuinwela bona. Boma habayo, musihali kaufela, bainzi ni sikwata sa bali kwa mukiti wa malyalya o muñwi, mukiti wa silikani fela cwalo. Kana mukona cwani kulibelela mwana kuba nto isili fela?

212 Mutalime, sibaka kaufela se mu pila ku sona, sani kona se muli sona.

213 Munge musizana yomunyinyani, mushimani yomunyinyani, mu mubeye fande fa, mutuhele kuli apile ni yomuñwi. Munge muuna, Na kona kunga mushimani waka, kuli abe kwani ka zazi li liliñwi fela ni mutu usili; mutuhele ni kene mwahali, Na kona ku mi bulelela ya nali yena. Kiniti. Mutalime, sibaka sani, moya wani u ka mu lamatela.

214 Muye kwa keleke, koo sicaba kaufela. . . mu kene mwa likeleke zetezi Moya o Kenile, kamba—kamba likeleke za Mapentekota, mo ba li bizeza. Mutuhele kuli mutu ni mutu abe. . . Oh, ba matamata ni kunyunga litho zabona kwa mulaho ni kwapata, za ezanga mulisana wabona; mutalime kuli keleke kaufela ika kala kueza zeswana. Mutuhele kuli baana, sicaba, ba nanuhe ni—ni kuzwelapili zemaswe, kamba nto yeñwi; muka

fumana kuli sikwata kaufela sieza ona cwalo. Mukene mwa sibaka sa kuli mulisana ki mutu ya tatafalile ni ya bata fela; muka fumana kuli ni sikwata kaufela si eza ona cwalo. Mu sa taha fela mwa sibaka seo.

215 Munge muuna ya li muuna wa maoyo mwana zwezi, mi mutuhele kuli anyale musali muhulu yomuñwi ya sa leki neba ka pene ya muwayawaya; hakuna kunga nako yetelele mu ka fumana kuli ni yena bubotana bwatani ki ya tokwa neba muwayawaya. Kona ze ne ezahalile ku Akabe. Munge ze swana, ni ku futula, mutuhele kuli musali wa mikwa yende anyalwe ku ndatetuna wa mubotana; taba yapili mwa ziba, u ka eza nto yeswana ni yena.

216 Kana Ni kona kuya cwani, kakusasana cwana, ni kusupa minwana yaka fa mandu a sinyehile ni lika ze cwalo, koo bahame babande baba lateha ba taha ni kunwanga ni bondate, ni lika ze cwalo, mi ba hupula kuli ne ba ka eza sika ni yena, mi cwale me tuna yani kaufela ni babañwi cwalo ba ka inwela. Ki sibaka sha.

217 Ki sikamañi seo? Ki diabulosi. Ki diabulosi, ki tasezo. U hapile naha ye, inge tau ye bopa. Na inzi fafasi fa mwa sibaka sesinde sene banani, mwa Hollywood. Naize, “Na ka beya mafilimu fa konji mazimumwangala nako a taha fateni, mi Ni ka a fumana.” Mi aina fani.

218 Mi sicaba sa keleke, kufita kuli ba tuhelise kubonisa maswaniso a cwalo ni ku hanisa bana babona kuya, ba bafa masheleñi ma teni senti la Sunda musihali ni kuba lumeleza kuya kwani, kuli ba be ni kakiti nyana ka kuitabisa ni balikani ba bona, kuli ba yo ba kwani ni kubapala bapala. Oh, ha ki maswabisa ni ao. Cwale ba tukisa fela mazimumwangala fa mi mutalime masila kaufela, litaba ze bolile za butahwa zeliteni mwa lifasi, ku zeo. Yeo ki niti.

219 Hanina se ni nyaza filimu. Hakuna se ni nyaza ka mazimumwangala. Ki lika zebolile ze li fateni. Kona mo liinezi. Ha ne mu ka buluka muikutekelo wa zona, ne lika ina ka muikutekelo woo.

220 Hamukoni kulekisa makatulo a kale a likunupo mwa tolopo, kacenu, ni hanyinyani. Basali ha ba a lata. Ba bata minwana ya mautu kuzwa kuzwela fande. Basali babañwi ba eza ona cwalo. Yeo ki niti.

221 Ha u ya kwa keleke, hamukoni ku ba lekisa za bulapeli bwa mufuta wa kale bwani, kakuli, musali yomuñwi, ha ezi cwalo, batili, hakuna sa bata kueza ka sona. Batili, sha. “Hakuna tuso kuli ni ye ni shetumuke kwani. Na lumela fela, kona fela zeliteni ku zona.” Oh, muzwale, diabulosi wa lumela, ni yena. Kiniti. Uka baka kamba wa shwa.

222 Cwale, mu ni swalele; batili, Ha ni cwalo. Batili, Ha ni cwalo. Batili, Na kutisa seo. Na lata batu. Kono Na—Na—Na—Na mi

lata hande luli ku mi bona ha mu ya mukenya litoho zeo. Mulimu ha lata, Ni ka kutela taba ye kasamulaho nyana mwa sunda.

223 Cwale, ku mina bahame babasali, linzwi fela ku mina mu si ka ya kale. Mulimu ami fuyole. Amu hulise bana ba mina hande.

224 Lu ka nga taba ya kutaseza; lu swanela kuya mwa mandu mane, ni libaka zeñata, likolo, ni mwa libaka za kwahule ni zona. Lu ka li kutela.

225 Kono, tasezo ya United States, diabulosi i mu hapile. Musike mwa saba Russia. Russia haina kueza sika. Ki luna babasweli kueza ku itiseleza ili luna, kubola kwa luna bañi ku mwahala luna. Yeo kona niti.

226 Mwa ziba, ba United States bana ni litaba zeñata hahulu za kufela litelekano kufita lifasi kaufela? Litelekano zeñata hahulu; munahane fateni. Zeo za sabisa? Busali sakata bu sinyehile. Bahame haba sainanga fa malapa ni bana ba bona, sina mo ne ba belanga. Bana ni kufumana musebezi.

227 Kwanu zazi leliñwi, muuna yomuñwi wa sintontolo mwa muleneñi wo, na sweli kuambola ni na ka zona. Basali ba ba sebeza mwa libaka ze zibahala ze, basizana baba nyezwi ba ni bana ba ba sali babanyinyani. Bana ni baba ba tokomelela bana ba bona. Bona ba sebeza mwa libaka za muuso. Ali, “Nekuna ni bababeli bene ba yemi fani, hane ba itulezi, misebezi yabona ya sicaba, ali, ‘Mu si ke mwa bilaela. Lu ka eza cwalo, nihakuli cwalo.’”

228 Oh, hola ya buhule bo bu cwana fa kaufi. Luli. Diabulosi u sa ba bulelezi kale kuli kibona malena ba mwa ndu. Ba ka ipumanela masheleni a bona. Ba ka eza ze ba lakaza kueza. Mi mu li zuse ku bona, haiba mwa kona.

229 Kuna ni fela nto iliñwi yekona ku ba zwisa mwateni, yeo ki aletare, fapila Jesu Kreste, mufuta wa bulapeli bwa kale, bo bu cipitisa mioko ni ku loba lipilu zabona mwa liemba-embra, ni kuba eza mo ba lukela kubela. Yeo ki niti.

230 Bakona ku nahana kuli Ni alimuñwi fela ba baikale baba siyalezi. Kono lizazi ha u shwa, muzwale waka, kezeli, uka lemuha kuli Ni ku bulelezi Niti. Yeo ki niti.

231 U mwateni, tasezo mwa tasezo, nako i fitile. Cwale, cwale, eni, nako ya buitekelo, mane, ki nako ya buiketelo; isiñi ku taha kwa keleke, kono hola ya keto kamba u ka sebeleza Kreste kamba kuina sina ya enya mwa keleke ya henu. Mi yeo ki niti.

232 Kuna ni ma membala babañata ba keleke. Haiba ma memba-...kamba sicaba sa America baba ipapata ku ba Bakreste, ba bakona kuba Bakreste luli, Bakreste baba pepilwe sinca, muzwale, ne lukaba baba iketile mo ne mu ka bela mwa Lihalimu, mane, kuzwa kwa lindwa ni matata, eeni, sha, matuku akazwa mwa naha, lika zeñwi kaufela.

233 Hanili ikona kuba bunde kutaha mwa mukwakwa ni kubona kalibe kwa zwelela, ni muuna, “U ikutwa cwani, kezeli? Ki kakusasana, muzwale”? Ha kutahe, hakuna mu. . . Ha una pilaelo ni yekana mwa lifasi. Lika kaufela ki zende fela mi li iketile. Mi mutangana ataha mwa mukwakwa fa makozwana; kufita kuli a ku hate, na ka yema, ni kubulela kuli, “Ku lukile, muzwale. Ku lukile, ubile ni. . . Oh, wena fapila ka,” mwa bona, fela uswanela. . . Kana zeo ha ki zende nji? [Kopano ili, “Amen.”—Mu.] Lu kaba ni zona, kono zeo ki mwa puso ya Mileniamu, muzwale. Lizazi la zeo la taha fela. Yeo ki niti. Kacwalo he ha lu. . .

234 Ne ni yemi bukaufi bo muyaha tuko, kwanu zazi leliñwi; hakuna ze ni nyaza bomuyaha tuko, kono Na lemuha bana ba luna. Musala ka na sweli kulila. Dokota yomuñwi wa tolopo ye, musizana wa hae yomunyinyani na mata mata ni musizana waka yomunyinyani, mi ba latana; kufitela ba fumana kuli libizo la hae neli Branham, mi nali mwana Rev. Branham. Ani neli mafelelezo. Musizana yomunyinyani ana si ka fiteleza kuzamaya ni mwanake musizana waka hape. “Mawi,” Na hupula kuli, “kihande, kuluhile.”

235 Babañwi ba bo muyaha tuko ba matela kwani, bali, “Kihande, ne ku lukile.” Kacwalo, ba ya ku mulisana wa bona. U si ke wa ni bulelela. Mwa ziba, Ni—Ni na ni mukwa wa kuziba lika zeñata, mwa bona. Kacwalo ba—ba ya ku mulisana wa bona, mi bali, “Mwa ziba, kuna ni muuna ya pila bukaufi ni bo luyahile ni bona, ki yomunde hahulu kwa bana ba luna.” Ali, “Ki Rev. Branham. Wa ba ngangwa, ku ba longa mwa mota ya hae ya kale, ni kubaisa kwa kubapala.”

236 Ali, “Kihande, uh, *Ahem!* Haluna se lu nyaza Rev. Branham. Yena u lukile, kono, mwa bona, yena ki sikwata fela se si shutana sa batu kufita se luli sona.” Eehe. “Luna, Ne—Ne ni ka tabela kuli musike. . . mwa ziba, Ne ni sike naba ya. . . Mu ambole ku bona, mi mube fela hande, kono ao fela ibe mafelelezo.”

237 Oh, muzwale! Musala ka na yemi fani, inza lila. Se nili, “Mulatiwa, ki mululwani wo kauhanya. Haili na ni bandu yaka, lu ka sebeleza Mulena.”

238 Nihaiba lifasi kaufela li ka ikambusa wena; niteni Jesu Kreste! Haiba Ni lukela kubizwa mufitelezi wa tumelo, haiba Ni lukela ku siiwa ki bahesu- . . . ni lika ze cwalo, Ni ka keta Jesu Kreste. Swala lizoho la Mulimu le li sa fetuhi. Balikani ba lifasi ha ba ka ku siya, niteñi ube bukaufi ni Yena katata. Swalelela ku Yena.

239 Mulimu, tuhela kuli ni kutaze inge kuli Nali kuba ni kutaze fateni. Tuhela kuli ni kutaze kwa batu baba shwa, sina mutu ya shwa, na kasibili. Mutuhele ni kutaze kwa sicaba inge kuli Na li ki mo ni ka shwela ni sa kutazi fateni kutazo yeñwo. Tuhela kuli ni ba hapeleze kutaha kwa aletare, ni lifateho zetezi mioko;

bakute kwa malapa abona sina Bakreste, mi bapile hande ni bo bayahile ni bona. Batuhele ze kaufela za kumata mata ni kukibakiba, ni kutulaka tulaka ni kutundanisa cwalo; ni kueza ka nzila *ye*, ni ku yo fukela neku *le*, ni kuya ka nzila *yani*. Oh, musike mwa eza cwalo. Yani ki diabulosi. Mioya ya madimona yani itaha fa Bakreste.

<sup>240</sup> Muhupule, bakutazi bani kwani, ne bali bapolofita bani. Nebali bapolofita. Neli baana ba bulapeli bene ba fa sitabelo. Nebali fela ba bulapeli sina baluti ba lizazi le, kono, muzwale, nebali kwahule hahulu ni kuziba niti.

<sup>241</sup> Kana hamuboni diabulosi mwa bezi wa bulapeli? Diabulosi ha ki sinto sesituna se si lwanisa, inge sika sesituna sa katengo ka ba swalisano, ka kulwanisa Bukreste. Zeo ha li cwalo. Zeo ki za, oh, kihande, za diabulosi, luli, kono ha ki za antikreste. Antikreste ki wa bulapeli hahulu, wa bulapeli luli. Neli moya wa bulapeli ono takisize Jesu. Kamita ibile lifasi la bulapeli, sicaba sa bulapeli, kona se si takisa. Ki batu ba bulapeli bene ba lwanisa Kreste wa niti. Neli bapolofita ba bulapeli bene ba lwanisa Mikaya. Ki batu ba bulapeli ba lizazi le ba ba lwanisa Liñusa la Mulimu.

<sup>242</sup> Muhupule, Ni mi lemusize. Ni mi bulelezi. Hani buleli hahulu zeñata ka Bukatolika, ni Baptist ni Methodist; Ni bulela fela ka batu ba bali ba kukena, ona mwa libaka ze kwanu. Mu li talime kacenu, mo li tahela ni ku to yema mwa papali. Oh, mawi. Ne ni ka ku zona, linako zeñwi. Mi pilu yaka ya lobeha mwahali kuna.

<sup>243</sup> Kuyema fani ni banko ya kale, kuliza banjo ya kale yani, ni kusahaka ka kaliziso ka banjo ona cwalo, “Kana yo ki mushimani wa Texas wa *Kuli-ni-kuli?*” Hanina se ni lwanisa mutu yani; kono zeo ki za kwande kwani mwa lifasi. Yeo ki niti. Ni tabela kuyema, muzwale, kusina nihaiba sika, haiba batili, hakuna sika ni se sikana, kono ki kuyema fela ni kunanula mazoho aka ni kubulela kuli, “Jesu, uni buluke kaufi ni sifapahano.” Eeni, sha.

Sifapahano se si kenile Ni ka si lwala,  
Kufitela lifu li ni lukulula,  
Mi ni ye kwa Hae ku yo apala mushukwe,  
Kakuli kuna ni mushukwe wa ka.

<sup>244</sup> Ku mina bahame baba nyinyani mo kakusasana cwana, bababile bahame ba luli, mi Ni ziba kuli kuna ni babañata ba mina; Na sepa, mañi ni mañi wa mina. Ha lu boneñi ni mi bulelele nto yeñwi. Mulimu ami fuyole. Mina mu Evangeli ya buketalizoho, Na sepa. Halu boneñi ni mi bulelele cwale za bana ba mina, nto yenyinyani fela. Kakuli, Muzwale Neville uka kutaza ka za . . . me busihu kacenu, kamba mañi kaufela, alimuñwi wa luna ya ka kutaza, ku lukile, ka za me. Kono, a muteeleze, mutuhele ni mi buze nto yeñwi.

245 Muhupule, fani Mushe hanali mushimani yomunyinyani, neli me yana mu file litaelo za hae. Neli me wa bumulumu yana ngile Mushe yomunyinyani fa mañwele, mi ali, “Mushe,” amu luta kaufela. Nali muluti wa hae, kamba, nali muslai neli muluti wa hae, nitaluse, mwatasa Faro, mi ali, “Cwale, lika ze,” ali, “Mushe, zazi leliñwi uka lamulela bana ba Isilaele. Ki wena mushimani ya bizizwe. I puluke ukenile mi ya sina litiba kwa lifasi, kakuli ki wena. Ki wena.”

246 Hakuna sibaka sisili se luziba, kwa na ile kwa mukopano kaufela wa za bulapeli, tuto ifi kaufela, ya kile aba ni yona. Na pilile ona mwa muleneñi wa Faro mwani, yanali muhedeni; kono mahe a mu luta. Yani ki me wa niti. Na mu lutile mulao wa Mulena. Na mu bulelezi mwa lukela kubela ya kenile. A mu bulelela mwa ku pilela, ni mwa ku ezeza, sa lukela kueza Mulimu, sa ku mu ezeza. Mi za ina hande ni Mushe mazazi a bupilo bwa hae kaufela.

247 Mi me kaufela yomunde, wa niti, me ya ishuwile yakanga limbututu za hae, kufita kuli aba lumele kwa maswaniso ni kwa kubina, ni zeñwi ze cwalo, mi uka ba beya fa mautu a hae ni kuba luta ka za Mulena Jesu Krete.

248 Kwanu zazi leliñwi, Ne ni sweli kuambola ni me fa luwaile. Mi bo mahe bali, “Oh, Muzwale Billy,” se bali, “mushimani waka u mwa butata.” Bali, “Oh, ha ki butata ni boo.”

249 Se nili, “Eeni, Na ziba ka zona, kezeli, mulatiwa.” Mi ki hali, “Wa kona ku fosa. Ha ni zibi.” Ali, “Alimuñwi ubulela se mi yomuñwi ubulela *sani*. Ha ni zibi. Kono,” ali, “hakuna taba kamba u fosize kamba u lukile, Na mu lata.” Ki fo he cwale, “Na mu lata.”

250 Abulelela bo mahe, ali, “Ni pumilwe hahulu ka *se ni sani*.” Ali, “Ima, Ni lumela kuli ki mina mulatiwa anosi yomunde ye Ni nani; musali wa niti kuna, mi yaina nina bukafu.” Leo kona lilato la me. Yani ki yena me wa niti ya ka beya mazoho a hae fa maheta a mwana hae. Hakuna taba kamba u lukile kamba wa fosa, una ni kuba hande kuzwelapili. Mi haiba Mulimu. . . Haiba nji me ukona kunahana cwalo ka mbututu wa hae, kana Mulimu uka nahana cwani zeo ka ba Hae. Mwa bona? Mupile hande ni Yena. Mu ye ona cwalo.

251 Mi cwale ni mi bulelele fela me yomuñwi, kapili fela, mwa Bibebe, lu si ka kwala kale. Neku na ni me yana bizwa Herodia. Na lutile mwana hae wa musizana ku bina. Na bata kuli abe ya zibahala hahulu. Mi a binela fapila mulena, mi a kupa toho ya Joani Mukolobezi. Luna ni piho ya bana baba mashumi a supile a hae, yena musizana ya na binezi fapila (mwana Herodiasi yo), ya na binezi fapila Heroda; sebente bana ba hae, ikaba yaba kuli ne ba shwile bali mahule kamba kushwela fa litoli za kubulaelwa.

252 Me yomuñwi na mu lutile lika za lifasi; mi me yomuñwi a mu luta litaba za Mulimu. Alimuñwi atoba mueteleli yomutuna



ni mukomi, ki ya sa shwi mwahala batu kacenu; mi alimuñwi u atuzwi mi u mwa lihele, mi ungile bo lule lule ni bo lule lule hamoho ni yena. Mwabona se Ni talusa? “Muhulise mwana ka nzila ya swaneli kuhula ka yona.”

<sup>253</sup> Mi Na kaniti na mi utwela makeke mina bahame baba inzi moni lipalisa zamina ze sweu. Kuna ni Lihalimu ko kuile bona, kacenu, koo boma ba kale bene bapilela Mulimu baile, mane ba se basilezi mwabuse bwa lisila. Ba libelezi kuli utahe. Yeo ki niti.

<sup>254</sup> Na mi kuteka ni ku ikumbuta mina ka lipalisa za mina ze fubelu ze mutinile. Bo maho, haiba nji ubata ku ba ezeza sika, u ba ezeze sona mazazi a sili handeleti ni sikisite-faifi ka mwaha. Zamaya kwa ndu yabona u yo lapela, mi upilele Mulimu. Zeo kona za kueza. Ni kuuta bana ba hao. Mi bana ba hao ha ba ka hula, ba ka kubiza kuli “ya fuyozwi,” ha se u silezi mwabuse bwa lisila. Wo kona moya wa niti wa busali, ona moya wa niti wa lizazi la mahe. Lizazi la bahame ki mazazi a sili handeleti ni sikisite-faifi ka mwaha.

<sup>255</sup> Le kona lizazi le ba lekisa lipalisa ni kutisa limpo, lifasi liezanga cwalo. Haiba la tisa, haiba lifasi li na ni ku ba teñi ka myaha yeñwi ye mashumi amabeli, ba kaba ni mazazi a mwana mushimani, lizazi la mwana musizana, ni lizazi la mwana bo malume wa musizana, ni lizazi la bomalume, ni lika zeo kaufela sina cwalo, ili fela kuli lifasi li kene mwa litekisano. Ona foo kona fo li ka fita, mane ku yo punya mwa lihele, katata fela mo likona kuyela, kwa sinyeho.

Kono, mina, Mulimu ami fuyole, kona tapelo yaka. Halu lapeleñi.

<sup>256</sup> Ndate ya musa yakwa Lihalimu, halunze lu talima kwa mulaho, kakusasana cwana, ka minahano ya luna, kwa mulaho kwani, myaha yeñwi ye mianda anda kwa mulaho, hane ku yemi Jehoshafati a yemi fani bukaufi ni Mulena Akabe. Mi Moya nyana mwatasi a pilu ya hae, no u sa liteni wa Mulimu, ni ha na ezize mafosisa, wa mu bulelela, ali, “Se si fosahalile. Se si fosahalile. Ha si si ka luka. Ha si si ka kena. Mupolofita ubulezi kuli lika ze halikoni ku ezahala ka kuzwelapili mwa mukwa o cwana.” Mi Mulilo nyana wa Mulimu wa mu zusa.

<sup>257</sup> Mi cwale No na ni yana lukela kualaba Mulilo nyana wani, yanali Mikaya, mupolofita wa niti wa Mulimu. Ni ha na tile kwani atinile manjabila, ni hana taha kwani inza shubulwa, mi kaufela bona ba mutalima inge sikwata sa litongwani ze talima ngu. Kono a bulela niti, ni ha na natilwe kwa sifateho, ni ha na ka nepelwa mwa tolongo ni kufepiwa sinkwa ni mezi a manyando. Kono, ibo, manzwi ana bulezi a to ezahala, kakuli No li ni yena.

<sup>258</sup> Mulimu, lumeleza, kacenu, mi lu talima mwa Bibebe mo. Lu talima fa libuka za keleke, milao yelishumi, ni zeñwi cwalo, za likeleke, lizo, ni kubona mo ba ezeza *se, sani*, kamba *sesiñwi*. Kono ha lu talimeñi mwa Linzwi la niti le fa, mi lubone se

Li bulela: “Kusina kukena, hakuna mutu ya ka bona Mulena. Mulatelele kozo ni kukena, kakuli, kusina zeo hakuna mutu yaka bona Mulena. Ya lata lifasi, kamba lika za lifasi, lilato la Mulimu haliyo ku yena.”

<sup>259</sup> “Mwa mazazi a maungulo ku ka taha linako ze tata. Batu ba ka ba baitati, bainuneki, baba ikuhumusa.” Oh, lika zetuna zani, Mulena, ze ezahala. “Baitumbaeti, ba zibo ye pahami, baba lata minyaka hahulu kufita ku lata Mulimu; baluta batu litaelo za—za batu kufita ku ba luta mulao wa Mulimu; ba na ni mubonahalelo wa bumulimu, kono ba latula mata a Moya o Kenile” ili kuli mutu a tale ka Moya, kuli anyakalale, kuli mioko i bube kwa meto a hae, kuli azwele kwande a yo lapelela bakuli, kuli abulele ka malimi ni kutoloka, kuli apolofite. Moya wa Mulimu, yena Mulimu yapila, O ba zwisize fela mwa ndu yeñwi ya malobalo kamba nto yeñwi ye cwalo, “Kuba ni mufuta wa bumulimu, mi ba latula Mata ateni.”

<sup>260</sup> O Mulimu, sicaba nyana se, ka lizazi le, si zuhe kapili, ona fa cwale, nako ya maungulo isika taha kale, ni ku lu swasa mwa buino bo. Ha lubeñi, lu ncaafazwe ili luna, sina Bibehe ha i bulezi kuli, “Mu zuhe mi mu nyanganye. Ni kukupa nzila ya kale, yeli yona nzila yende, mi ha mu ka ifumana, mu zamaye ku yona.” Mulimu, lumeleza kuli lu fumane nzila ye buhali ya kale, ha lu kona kuyema hamoho hape, ka lipalo ze mianda, ni ku kopanya mazoho aluna hamoho ni kuopela.

Ni ka zamaya nzila ni baba nyinyani baba  
kendilwe bwa Mulena.

Ni kalile kuzamaya ni Jesu mi Ni ya ni yena.

Mulimu, lu tuse kupila cwalo ni kuba cwalo.

<sup>261</sup> Fuyola bahame babande ba kaufela babaliteni mo, Mulena; ka kuziba kuli ki ba hame, bona kasibili, bana ni lipalisa zesweu fa likoti za bona, kakusasana cwana, kakuba kupuzo ya me yomunde wa kale ya fitelezi ya silezi mwabuse. O Muña Bupilo, ba fuyole, Mulena. Mi ha ba fuyolwe, ni bona, mi cwale likupuzo za bana ba bona libe sina za bona ni bomaa bona, haiba usilezi mwabuse bwa lisila, kwa Lihalimu le li kanya. Lumeleza cwalo, Mulena.

<sup>262</sup> Mi kakusasana omuñwi bupilo ha bu kwalwa mwa misinga ya luna, mi kipeto bupilo bwa luna bupala kutaha ku luna, lisila li ka kwaluha; uka taha fafasi, mwendi, kwa mafelelezo a Jordani, ku to lu tusa. Oh, kwa lizazi leli kanya lani ha lu ka hata mahutu aluna mwabuse, ko kusike kwa ba . . . Moya hauna ku tampakana ka musu wa kwai. Hakuna ku yo ba cakolwa mwa mikwakwa. Hakuna ku ba lihule. Hakuna ku ba sibi. Hakuna ku ba sika se si cwalo. Kono, mwa kanya ya kamita, lu ka pila ka kozo ni Mulena luna Jesu Krete ni bana ba luna. Mi, oh, ha ki lizazi kwa bunde ni leo.

<sup>263</sup> O Ndate, lififi lelituna ha li sa liteni cwana, fa ndwa, mi diabulosi unza taseza linaha, ni kutaseza tutala, kutaseza likeleke, kutaseza sicaba, kutaseza litekisano, kutaseza mileneñi, ni likolo ni malapal; O Mulimu, lu tuse kuli lu yeme, lu hohe mukwale kapili mi lu lwanele Mulimu, sina Mushe ni ba—ni ba Malivi mo ne ba ezelize fani sibi hane sili mwa mafulo. Lu tuse, Mulena.

<sup>264</sup> Lu swalele cwale, mi lu fuyole. Mi lu beye baba ikokobelize, lu lobe, Mulena. O Mulimu, No ize, “Ya zamaya inza ya cwalo, inza cala ka mioko, uka kuta kusina kukakanya hape, inza nyakala, alwezi mañata.” O Mulimu, lu lu lobake mwa liemba emba. Lu bupe, sinca, Mulena. Lu sweli kuzwa mwa nzila.

<sup>265</sup> Na, kasibili, Mulena, Ni ya kwa sibaka ko Ni nahana kuli ki babakai baba ka fumaneha mwa mukopano wa ka. O Mulimu, Ni bata kuli U be teñi. Taha, Mulena! O Kreste, taha Mulena! Aku ni bupe; u ni bupe sinca. O Mulena, usike, wa tuhela kuli ni be ni lika zani mwa munahano waka. Mulimu, li tuhele lizwe kuna.

<sup>266</sup> Ni tuse, Mulena, kuli ni kutaze, sina ha Ni bulezi, fa nako nyana yefitile, sina mutu ya shwa kwa batu baba shwa, ka kuziba kuli kaufela luna luswanela kotalimana ni Kuyakuile. Lu lukela kuyema fapila Hao; ha si U yo mwa munahano wa Hao o tabisa, ha U sina sishemo, ha U yemi kusina sishemo; ha U yemi, uli ya halifile, kutisa katulo mwa linaha ni sicaba se si kendilwe ni ku hatikela lilato la Mwana Hao.

<sup>267</sup> Mulimu, ni fe sishemo ni Yena kacenu, kuli ka Lizazi lani Na yo kona kuyema ka sepo. Mwendi ni ka lila cwale, kono U ka yo takula mioko, ku ba tabo, ka nako yeo, ha U bulela kuli, “Kena mwa tabo ya Mulena, ye lukiselizwe wena kuzwa kwa mutomo wa lifasi.” Mulimu, a ku be ni luna cwale, mi u lu tuse, lwa lapela, ka Libizo la Jesu. Amen.



*TASEZO YA UNITED STATES* LOZ54-0509

(The Invasion Of The United States)

Liñusa le ka Muzwale William Marrion Branham, neli kotalizwe lwa pili mwa Sikuwa ka Lizazi La Habame, Lasunda kakusasana, Kandao 9, 1954, ili fa Branham Tabernacle mwa Jeffersonville, Indiana, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatizizwe ni ku hasanyiwa kiba Voice Of God Recordings.

LOZI

©2022 VGR, ALL RIGHTS RESERVED

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

[www.branham.org](http://www.branham.org)

## Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Krete. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleni ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)